

天一閣藏明代方志選刊

臨
朐
縣
志

嘉靖臨朐縣志

臨朐志叙

物之生也得雨露土膏之滋而後其天者
曄漉祗見其稿矣故不得其養雖造化且無以直
遂而况於人乎我

明之興已二百年海內晏然兵革不試太平之業隆
矣邇者文物日趨于勝無藝之征僭侈不經之費
如蝟馬而莫之止生理衰薄殊異於先民識者憂
之

聖皇御極獨軫念瘡痍而於守令之任必勤德意嘉



靖丁未之歲夏六月家士奉命來臨胸入境省
觀民多朴野可治間有流風氣習則麤獷告訐不
能無矣事叢而獄繁負稅逋逃莫之能禦未嘗不
嘆今之胸何其遽異于昔之聞也加之飢饉征調
相尋不已民於是乎愈窮余益懼焉君子曰論治
者貴識體氣化之不齊也久矣時之所趨人亦孰
能違哉子職在牧民蓋先於是者固之竊祿于茲歲
五周且半矣昕夕不忘思所以節用愛養者正賦
之外一切捐以阜民綿力菲德卒亦幾有所濟夫

善俗而為之所者循吏也前事之鑒者後事之師也余則安能焉知來者之未能乎孟子惜當時諸侯去其籍顧今胸志獨無後將何述且夫萬世一心也獨不可以創脩自我而傳之耶於此考見得失將必有卓異之政舉胸之敵措之至治不愧于今日堯舜之民者矣爰議於邑博豫川祝于草堂夏子石谿嚴子豫川草堂皆嘗考索往事嚴子嘗草創之會其遷去遂托海浮馮子終厥事焉初博訪邑志惟史令有遺志數章亦殘闕不完於是詢

之者舊采之者畝碣取通志齊乘諸郡邑之志莫不
詳考而折中之總目之大凡曰風土曰官政曰人
物曰雜志他志名例不一今訂以四者足以統之其條
則四十有八夫志之脩合天人上下罔不登載非
徒為觀美具也實以生聚教訓之大業存乎今也
令之職顧不重哉故志風俗民業則直書弊源志
詭寄冗兵之類則附以論斷蓋天道人事莫不有是
非利害之究不去其害民者其能濟乎是故據
事以紀其實嚴辨以定其趨詩文必取其有關於

政治以審其尚皆所以示養民也勢之從違詞之
工拙繁簡又何計焉蓋燦然成書可以傳矣是志
也邑之大夫士皆有商訂不克悉錄如少洲馮子
嘗之南都過胸一閱雅有是正而石谿海浮先後
實專其任可謂有功于胸矣不穀無能為役乃其
竊志於牧民則存乎志嗣令於茲土者觀志決擇
取昔人之善銳於繼述焉可也陋余之不逮更張
而振起之焉可也吾雖未之能行猶吾之行也是
胸民不亦永有賴於斯志哉刻成因叙作志之意

以告於後之君子豫川名文草堂名雲鵬石谿名
怡海浮名惟敏少洲名惟訥已見官政人物志故
茲可畧云

嘉靖三十一年冬十一月吉旦知臨朐縣事汝南

王家士叙

臨朐邑內圖一

臨朐境內圖一

臨 胸 縣

山川壇

縣 署 在 城 中 東 門 外 有 縣 署 在 城 中 東 門 外

胸

關王廟
養濟院
城隍廟

巷子鋪

萬壽寺
布政司
醫學
陰陽學

社稷壇

古

邑內圖

陽

縣徵稅

射圃亭

縣學

庫門

文廟

三齋

積谷倉

監

縣

按察司

土地祠

臨朐縣

府館

由明亭

史舍

東城隍廟

吏舍

前宅

川堂

東宅 正宅 西宅

邑厲壇

縣

總界九十五里

臨朐縣

東至南

里五十七村泉芹界縣都益至西

里五十二界縣

西至北



沂外關陵穆至南

嵩山

白崖寺

未山

石門坊寺

仰天寺

冶原池

孟婆山

三陽山

龍門山

逢山

逢山廟

新王墓

縣

真武廟

石溝鋪

赤湖鋪

里五十二界縣都

東至南汶河安 內境 圖 水縣一百五里

界八里十

東至安縣 里五十七

界五十二里



至鋪潤亦至此

右圖凡二葉

臨朐縣志目錄

風土志 凡一十八條

建置

縣名

星野

疆域

形勝

城池

風俗

民業

山水

坊廡

鄉社

街巷

市集

山寨

關梁

田土

戶口

物產

官政志 凡一十條

公署

學校

祠廟

壇壝

雜署

倉庫

鋪舍

貢賦

力役

歷宦

人物志 凡一十二條

名賢 鄉賢 進士 舉人 歲貢

例貢 薦舉 武勳 孝義 旌異

貞節 流寓

雜志 凡八條

古蹟 塚墓 坊表 寺觀 碑碣

遺事 祥異 詩文

臨朐縣志卷之一

風土志

朐小邑也山冠四鎮川走齊魯封黃之典肇自
虞夏經畫分治則見于商周以來流俗在人土
宜可辨作風土志第一

建置沿革

周為齊伯氏駢邑漢置臨朐縣屬齊郡東漢屬齊國
晉屬東莞郡南北朝劉宋省入昌國縣屬齊郡隋
開皇初改逢山縣屬青州大業初復名臨朐屬北

海唐宋俱屬青州金屬益都府貞祐間析置穆陵
縣元省入益都尋置屬益都路

皇明因之屬青州府編戶一百六里

縣名及離合考

按前漢地理志臨朐屬齊郡朱虛屬琅邪郡後漢郡
國志朱虛屬北海國臨朐屬齊國晉則朱虛臨朐
並屬東莞劉宋則朱虛屬平昌郡而臨朐省入昌
國縣屬齊郡元魏更置般陽西安二縣則離革不
同至隋開皇則又改臨朐為逢山縣屬青州大業

初復名臨朐屬北海唐宋俱屬青州而不復有所
謂朱虛是合為一金屬益都府貞祐間析置穆陵
縣則又離之元省入益都縣尋置屬益都路我
朝因之則又復合矣按周禮職方氏正東曰沂山顏
師古曰沂山在蓋水經云巨洋水出朱虛縣泰山
巔道元注云泰山者東泰山也東泰山蓋漢人高
大沂山之辭所謂巨洋者即瀰水也然則蓋與朱
虛為臨朐之南境無疑矣在兩漢及六朝時地有
分建隋唐而下併為臨朐久矣又地理志臨朐注

言有伯氏駢邑郡國志亦云臨胸有三亭古駢邑則又可知春秋齊伯氏駢邑即此地也且其名臨胸者謂其臨胸山也其所以名駢邑名蓋名朱虛則不復可考矣

星野

晉天文志須女八度至危十五度為玄枵於辰在子齊之分野屬青州又曰齊國入虛六度則臨胸星野當以青州為準

疆域

東以安丘縣駟馬溝為界七十五里西以益都縣芹
泉村為界七十里東西廣得一百四十五里
南至穆陵關外及沂水縣地境為界一百五里
北以赤澗鋪舊基外及益都縣地境為界二十里
南北袤得一百二十五里

形勝

雄鎮東奠乎沂山重關南阻乎穆陵通志北引長河南
控巨鎮山川之形疊秀而挺竒乃三齊襟帶之地

也出宋縣尉黃顯脩學記

城池

土城莫考始何年築按通志元至正十七年盜起陷
益都賊黨李華據此因加脩築

國朝景泰四年知縣陳安成化二年知縣卜釗二十
年知縣張璉嘗相繼脩築逮正德初則垣夷不足
恃兩經流賊殘破六年知縣雷啓東南莅任遂力
為脩築無何流賊復至果賴以守焉嗣是知縣孔
泗復于城下開通馬道築墻夾之功未竟而以憂
去今墻亦多壞矣嘉靖十年知縣褚寶二十五年

知縣賈東山二十六年知縣王家士復相繼脩築
高二丈周圍三里濠深者二丈淺者丈餘耳其門
南曰胸陽北曰古駢東曰海津西曰雲山東西二
門堪與家以為不利科第今塞之矣

風俗

史記齊世家其民間達多匿知漢地里志其士好經
術矜功名舒緩闊達其失誇奢朋黨言與行繆虛
詐不情急之則離散緩之則放縱由二史之言以
觀于今胸之俗不甚相遠但舒緩闊達誇奢朋黨

虛詐之習視古昔變矣若所謂齊俗急功利矜功名者殆不減古昔云

民業

民勤耕農務蠶織作紬絹山居者或拾山蘭作紬禹貢所謂檿絲者也亦頗種綿花為布西南鄉以果樹致饒益多麥收者好造麴交易以為利亦或養蜂收蜜懷資者或輦其土之所有走江南回易以生殖或販魚鹽其西南山社無業者或伐木燒炭燒石作灰陶土為器負販以給徭役近社之貧者

大抵以菜為業又或織菁若秫為席薄或編荆為
筐筥以供衣食餅師酒戶則鱗次于市鮮不勤生
者古稱通工商之業便魚鹽之利至于今為近之
山水

沂山舜肇十有二州封十有二山濬川禹奠高山大
川沂山其一也周禮職方氏正東曰青州其山鎮
曰沂山沂山在臨朐南百餘里即古蓋與朱虛地
西則逸宗岱嶽東則俯視琅邪山之顛為百丈崖
有飛泉下灑曰瀑布左麓為東鎮廟或曰中有堯

栢背負鳳皇嶺南有穆陵關界長城書案二嶺之間斯則沂山之靈秀為東方之巨鎮也自虞夏有望秩之典至周有埋沉之祭秦祀加車乘駢駒漢公玉帶請于武帝曰岐伯令黃帝封東泰山武帝設祠具至山卑不稱其費乃令禮官祠之而不封魏文帝瘞沉圭璋隋制取近側巫一人主知灑掃唐加王爵年別一祭牲用太牢雖歷代祀典不廢瀆經甚矣我

國初削去封號稱東鎮沂山之神錫以金龍香奩有

石壁峻立如斧劈然石罅側出松檜不知其何自
生植也崖下冬有積雪須四五月乃消

瀑布水出沂山絕頂東行山顛五七里許懸流瀉為

瀑布入石澗南行三四里許折而東行又三四里

許亦石澗則沙底數里折而北行經大關小關至

蔣峪折而東經降町趙庄白塔諸社入安丘界是

名汶河俗音龍乃沂山所出水之東派也

巨洋水出沂山西麓九山社經界首冶源諸社乃斜

拂治南入益都界是沂山所出水之北派也乃若

沂山南麓水毋廟所出水是名沐水西南麓松仙
嶺所出水是名沂水周禮職方所謂其浸沂沐是
也是沂山所出水之南派也二水非臨朐境內而
皆出沂山故得附載

按鄭康成云沂水出沂山水經云出蓋縣艾山
今蒙陰東北地名南河川小阜之下有泉此沂
源也北望沂山五十里殊無別源據周禮沂山
因沂水得名康成又齊之大儒不應有誤疑沂
山水源古流今竭耳齊乘

胸山在縣東南二里近瀘水自一面望之加胸故名
胸山又自一面望之則如覆釜故名覆釜山上
有淫祠

委粟山在縣東北三里水經云孤阜秀出形如委粟
今名粟山上有淫祠

石膏山在縣西北入益都界漢地里志泮水所出

龍山在縣東北十里山形蜿蜒如龍故名或曰漢時
有龍見此山因名相傳山之下有潭舊縣官嘗於
此禱雨其以名社莫考何自始也

三陽山在縣西北二十里舊名三郎因葬

衛恭王更今名

靈山

丸山

逢山俱見雜志

龍門山在縣西北十五里與龍山對峙

堯山在縣東五十里堯水出焉逕益都壽光界而北
石門山在縣西三十里山頗奇峭石罅間側出松檜
多於仰天百丈崖山勢屈曲西向近彌時乃見日

故邑人有石門晚照之說俗呼石門坊

仰天山在縣南七十里勢屈曲東向有小巘洞藏山
腰歷側徑里許穿一穴乃可達洞深高不踰尋丈
壁有石大視兩掌其光可以鑑寺僧云每月明之
夜則山巖草樹咸在鑑中未試其信否山麓有洞
深可五七丈許上有竅通天云秋月中天之夜洞
中光景頗竒故土人有仰天秋月之說山之陰有
水簾洞深可數丈泉源深遠潛通佛剎前泉井其
自洞口出者流而為河經辛庄諸社入石溝水又

有黑龍洞相傳舊禱雨輒應宋碑云元符三年勅額靈澤廟崇寧五年封濟豐侯

大弁山沂山東南曰大弁山大弁今人訛作大弁字相類而誤唐沈亞之沂水雜記又訛作太平山當

從水經作太弁者是大弁東即大峴也

齊乘

大峴山即穆陵關也其山峻狹僅容一軌故為東南

天險劉裕伐南燕兵過大峴指天而喜曰虜已入

吾掌中即此山也山北數里有裕祭天五壇

齊乘

祭天五壇詢之士人今無遺跡可覓

紀山在縣東北五十里以名社 王家士曰予嘗以公
務出旋自安丘西望山形如几指問山名左右云
紀山蓋本以山形得名俗以音同遂謫傳耳

方山在縣東三十里上庄社

英山在縣東南三十里以名社

大山在縣南三十里以名社

孤山在縣東四十里以名社

峯山在縣東南六十里以名社

牛山在縣東南二十里山方而長下出泉以名社

雙山在縣東南四十里兩山相連故名以名社

柳山在縣東七十里相傳盜跖嘗聚衆此山因以柳名今無所考恐亦好事者為之耳以名社

廟山在縣東八十里以名社

孟坡山在縣西南十五里上有孤石如婦人冠俗呼

爲孟浦女髻

翠屏山

太平山

八岐山以山頂有八尖故名或云八旗則失之夸矣

鳳凰山以形似名以上四山相連在朱音

青山在縣西南十五里與牛山對峙

恨虎山在縣西四十里

黃山在縣南四十里山頗高大以名社

米山在縣西南四十里以名社

虎頭山在縣南八十里

嵩山在縣西南七十里與黑山相連近沂水蒙陰二

縣地界山出銀礦其山下河水中亦時出礦及沙
金山間又出有鉛錫銅鐵亦時有石碌白丹砂之

類然未易可得也惟銀礦獨易發土人之頑者時
嘯聚隣邑不逞之徒多至數千為群相與盜采甚
為地方之害有不可勝言者縣官苦之

馮惟敏曰山澤之利從古有之然而銀洞為胸
劇害何也民採之率棄本業嘯聚山谷分落樹
敵殺傷無筭必捐軀覆族而後已官採之則大
吏畢至有司奔命供帳輿馬之費騷動數百里
而胸為甚工役傭作之直殆又過之且虞不逞
之徒群起而為亂也兵防饋餉用出無經瘵官

稅政耗財害民至是極矣乃復有官民同利之
議者官監民採貸以公帑已乃償之僅無少餘
是三者胸皆行之而一無所利願蒙其害至今
未甦也夫礦亦石耳一掘不復生息古今掘之
不遺餘力矣其不可復得理有固然無足辨者

海浮山在冶原

五鳳山在沂山之東神祐宮之後又謂之鳳皇嶺

太白山在縣西南一百五里接蒙陰界

辛山在縣東南六十里以名社

半壁山在縣西南三十里

甕石山在縣東北三十五里山頗高峻行者徑馬上
有石離立遠而望之如甕故名

駝峪嶺在縣東南六十里大峪社

紅砂嶺在縣東南十里

回頭峪在縣西南五十里其巖洞中舊產有鍾乳後
漸有知者云今無幾餘

楊谷埠在縣東十里許

白崖在縣西南三十里隱士社有孤松甚竒古今為

寺僧伐去

羅漢洞即上有竅可以仰而望天者也以壁間藏有石斲羅漢故名又名太祖洞者則好事者為之也黑龍洞仰天山頂南行十里許可至旁有石竅名仰天

水簾洞說見仰天下

白龍洞在白沙社

風火洞在宋庄社其東數里懸崖壁立名小百夫亦有洞相傳二洞相通嘗試以火則烟透出也土人

昔避兵于此

馬玠曰胸之山有二脉自沂山來者沙石山也
水率雜沙自嵩山來者青石山也水率雜石石
不能遠徙沙無所不至故瀰河之為民突上下
數百里而胸為劇當其怒衝也土膏日削而國
賦歲增將不知其所終也

瀰水水經云巨洋水出朱虛縣東泰山國語謂之具
水袁宏謂之巨昧王詔以為巨笈或曰胸瀰或曰
沫實一水也今謂之瀰河東北流至臨胸逕覆釜

委粟山又北過府城又東北逕故益縣城右別出

一支為一溝

道元謂入巨淀者此溝也今廢

又北逕壽光縣東北

由黑冢泊入海漢志石膏山洋水所出東北至廣

饒入巨淀即此水也但因北洋而誤其源

北洋見後即石溝水

因支津別出而誤云入巨定曹肇南洋橋記乃以

洋為南陽非也洋為齊之大川故以巨名道元所

謂群書盛言孟堅不應捨大而志小

石溝水出逢山東北石澗中山即石膏山麓三成水

經名北洋蓋因巨洋在南也

南陽水水經注長沙水出逢山北阜世謂之陽水北
注濁水通名爲陽而有南陽北陽之論今按南陽
水出府城西南二十五里石膏山即逢山之西麓
也

曾肇南洋橋記曰俗呼洋水有二曰南洋河今橋
所在是也曰北洋河距城北二里者是也道元則
曰群書盛言洋水出臨朐陽水導源廣縣兩縣雖
隣川土不同於事疑焉然則洋分南北當後魏時
已不能知况後世哉今辨之曰群書盛言出臨朐

者此巨洋也漢志失其源委耳南陽自為長沙水
北陽自為濁水曾氏乃因漢志石膏山之洋水而
以陽為洋誤矣蓋石膏山與逢山連麓長沙水出
其西即南陽水石溝水出其東即北洋水洋水自出沂山故
水經稱洋水則有巨洋北洋稱陽水則有南陽北
陽稱南洋者無之俗所誤耳四水雖以音同致疑
源流可考惜乎曾氏之不察也齊乘
馮惟敏曰洋水之辨余敬止為近之今俗呼南
陽水為北洋北陽水為小北洋名猶未正也四

水惟濁水非胸出因辨南北之名而附及之又
按水經注建德水出逢山建德水俗名七里河
迳府南折而北合南陽水入巨洋亦胸出也

汶水水經出朱虛縣小泰山東北流迳安丘城西入
于濰顏監曰前言汶水出萊蕪入濟今此又言出
朱虛入濰將桑欽所說有異或者有二汶乎余按
入濟之汶見禹貢論語即今大清河入濰之汶見
漢書入沂之汶見水經齊有三汶清河為大齊
丹河

白狼河二水皆源丹山 通志

紀水出紀山入白狼河逕昌樂小王庄西北入海

合水出牛山二股西流至朱位東合為一出朱封口

入瀾河

大河發源沂水縣界經嵩山西麓東北流入瀾河

小河出中庄社平地北流入瀾河居民倚以陶埴

冶泉在冶源有山名海浮緣山麓皆出泉其出冶官

祠下者為泉源居民甃石圍之深可數尺色清而

味甘草生其中者入冬不死經玉泉寺而東匯為

大小二龍灣深可丈餘其水皆冬溫夏轉寒冽又東里餘則折而北入彌河

按水經注巨洋水自朱虛北入臨朐縣熏冶泉水注之水出西溪飛泉側瀨於窮坎之下泉漢之上源麓之側有一祠目之為冶泉祀按廣雅金神謂之清明斯地蓋古冶官所在故水取稱焉水色澄明而清冷特異淵無潛石淺鏤沙文中有一古壇參差相對後人微加功飭以為嬉遊之處南北邃岸凌空踈木交合至若炎夏火流

閑居倦想提琴命友嬉娛末日桂筍尋波輕林
委浪琴歌既洽懽情亦暢是焉棲寄實可憑衿
小東有一湖佳饒鮮筍匪直芳齊勺藥實亦潔
並飛鱗其水東北流入巨洋謂之熏冶泉

金泉在縣南一百里出本社平地以其四時常溫故
名

玉泉在縣南九十里出本社

龍灣在大峪社泉歷層石如水簾然俗云有龍潛其
下蔣峪社東北亦有龍灣深不可測溢入汶河

石泉出石門寺石罅間涓涓不竭足供僧汲

黃龍溝出田村井家西南五里平地東流經山川壇

右入瀾河

龍泉河出寺泊社平地經縣南小橋入瀾河知縣褚

寶嘗疏導繞城為池後復故知縣王家士復引水灌城壕

竹子溝在牛山之麓

洪山溝在縣東南三十里

釣魚臺在辛店社兩崖巨石相距如石梁中為仰天

泉所經名臺者北崖也

八角井在嘉祐寺山門外上甃石下鑿石各深丈有
尋嘗以歲旱水竭寺僧明德者腰絙而下因得其
淺深但此井上圓下方而今呼八角且明德云泉
竅在六尺以上而鑿復深其說不可知矣
天井在本社道傍南崖下土人云出天成故名天井
嘗經行其傍俯視則亂石屈曲水不可見深亦莫
測疑人力為之則直上為是屈曲乃爾殆又出于
生成也

仰天井在本山文殊寺佛殿前甃石作方井徑可七

八尺許寺僧云井泉與山後水簾洞相通嘗試以
糠投井少頃自洞中流出也

坊廂

德化坊 自儒林坊至北門外社稷壇巷

宣教坊 自儒林坊南至五井巷

承恩廂 自社稷壇巷北至瀟澤園

恒濟廂 自五井巷南至瀟河店

政平坊 在崔府君祠迤東

鄉社

禮讓鄉在縣之西所領社二十有二

平安社

龍泉社

孤塘社

馬陵社

寺泊社

鮑庄社

田村社

趙町社

禮義社

東庄社

逢峪社

鎮頭社

田庄社

李召社

羊善社

小章社

小崔社

朱羊社

廣堯社

辛庄社

栗山社

赤澗社

孝慈鄉在縣之西南領社二十有七

朱封社

朱位社

七賢社

彌源社

冶源社

中庄社

宋庄社

界首社

孫庄社

米山社

佛崖社

南流社

朱包社

朱駟社

五井社

天井社

隱士社

嵩山社

王庄社

仁禮社

仝谷社

白脩社

王泉社

寺頭社

呂匣社

書堂社

朱音社

仁壽鄉在縣之南領社三十

上庄社

牛山社

黑山社

盤羊社

張祿社

郝庄社

辛塚社

小山社

大山社

良善社

張龍社

峯山社

黃山社

大峪社

牛河社

常庄社

蔣峪社

太平社

佛山社

小關社

大關社

崔冊社

鹿泉社

白沙社

九山社

金泉社

沂山社

龍巷社

降町社

趙庄社

忠善鄉在縣東北領社二十有七

榆林社

誕公社

董庄社

鞏郭社

咸福社

龍山社

時村社

李雙社

菴花社

樂地社

堯山社

上林社

張郭社

夫召社

行山社

紀山社

柳山社

雙山社

辛山社

英山社

孤山社

三塚社

崔飛社

廟山社

龍崗社

雙埠社

辛興社

右里社半流者四而一太半流者七而一全流

者什一招徠日勤而死徙日衆柰何馮惟敏曰

歸併之政今日急務既以甦乎貧病又以簡乎

追攝公私俱便法意兼美何其行之不易也大

里者不歆與小者併惧其厲已也其小者又必
越境援翹莫其自殖吏莫能理竊議莫如官自
施行半存者兩併之少半者三併之全逃者附
於大里聽其租佃帶辦糧藁庶幾通融之法里
胥既減差遣適平細民可以無擾矣流移其有
不復者乎

王家士曰歸併於招徠流移亦甚宜一法非其
本也嘗力行之上司以人不樂從告者紛擾黃
冊難於改造中止新城曾申清戎馬公歆假

菑力痛懲不從者馬公駁其說要之富室詭寄
而田糧不均地畝拋荒而差役愈重必於此更
張庶其有濟然非有司之所能盡專也予別有
議附貢賦之末

街巷

羊腸街即縣大門外徑城之南北門者街本直反而
名之羊腸不知其義云

羊石街在儒學前以標星門右有石如卧羊故名
菜園巷與城隍巷相值

西巷通羊石街

綉子巷自布政司西遶萬壽寺前而東通大街已上
俱在城內

東巷有崔府君廟

逢峪巷

姚家巷

粉市巷通邑屬壇已上俱在北門外

五井巷

安丘巷

春牛巷通山川壇已上俱在南門外

市集

新寨集在縣南三十五里

蔣峪集在縣南七十里

大關集在縣南九十里

鹿皋集在縣南六十里

破丘集在縣西南九十里

五井集在縣西南二十五里

冶源集在縣南二十五里

石佛堂集在縣西南五十里

寺頭集在縣西南六十里

白沙集在縣西南七十里

龍泉集在縣西一十里

逢峪集在縣西二十里

廟頭集在縣西北二十五里

盤羊集在縣東南二十五里

柳山集在縣東南五十里

白塔集在縣東南七十里

龍崗集在縣東北三十里

山寨

沂山寨在縣南一百里

嵩山寨在縣西南五十里

逢山寨在縣西北三十里

柳山寨在縣東五十里

關梁

穆陵關在縣南一百五里大峴山上
搆碑記元至正
壬辰命武德將軍前益都路副達魯魯花赤帖公建

兵室狃戍樓把截于此

國朝洪武三年始設巡檢司官一員領弓兵百餘人
盤詰今所領弓兵三十人

北門橋在北門外嘉靖二十四年圯壞知縣賈東山
重脩

南門橋在南門外嘉靖二十六年圯壞知縣王家士
重脩

彌河橋一在南關外一在粟山下

右二橋以河面闊遠未有為經久計者每歲當

寒沍有司始命地方架木為之則老羸疲病擔
夫孕婦固已病涉久矣迨春冰始泮地方撤其
材而去涉者或衣或裸則又徃徃病焉夏秋霖
潦暴漲山溜總至波流悍急貪進而漂沒者亦
時有之噫乘輿濟人固聖賢所不取而橋梁道
路實王政之所先君子苟加之意焉斯其於仁
惠遠矣

田土

官田五十七頃五十一畝一分一釐

民田六千七百七十一頃一十二畝七分二釐

綿花地九頃四十一畝二分二釐三毫

抄沒地八十六頃二十一畝三分五釐八毫

斗地二十六畝二分

戶口

洪武二十四年

戶一萬三千七十八

口一十一萬五百九十三

永樂十年

戶一萬二千一百六十八

口一十一萬四千四百三十四

宣德七年至弘治十五年無考

正德七年

戶一萬四千三百三十五

口一十二萬四千五百

嘉靖元年

戶一萬四千五百四十二

口一十二萬五千四百八

嘉靖十一年

戶一萬四千七百三十五

口一十二萬五千三百五十

嘉靖二十一年

戶一萬四千七百三十五

口一十二萬五千四百四十

嘉靖三十一年

戶一萬四千三十五

口十三萬八千九百一十一

物產

穀之類

粟

稷

黍

大麥

麥

稻

梁

蕎

秫屬

稗

芝蔴

蘇子

麻子

豆之類

黃豆

菜豆

黑豆

赤豆

豌豆

豇豆

扁豆

蠶豆

菜之類

芥菜

春不老

白菜

生菜

葱

韭

蒜

芹菜

茼蒿

菠薐

芫荽

荳蔻

蔓菁

蘿蔔

胡蘿蔔

茄

瓜之類

西瓜

冬瓜

黃瓜

菜瓜

甜瓜

絲瓜

瓠

葫蘆

果之類

桃

杏

李

柰

柿

棗

栗

銀杏

石榴

花紅

蜜果

核桃

葡萄

木瓜

櫻桃

榎棗

梨

平波果

文官果

無花果

木之類

桑

楸

槐

栢

松

栢

柞

榆

柳

梓柳

椿

檉

青揚

白揚

梧桐

藥之類

柴胡

防風

黃芩

蒼朮

天麻

紫草

黃精

杏仁

麻黃

兔絲子

地黃

桔梗

瓜蒌

枸杞

半夏

天門冬

麥門冬

益母草

豨薟草

車前子

蒺藜

射干

三稜

義木

薏苡仁

花之類

芍藥

荼蘼

薔薇

棣棠

刺梅

金鳳

金錢

玉簪

石竹

長春

木樨

萱

葵

菊

鷄冠

畜之類

牛

馬

驢

騾

羊

猪

犬

猫

鵝

鴨

鷄

鳩

禽之類

雉

鳩

鵲

鴉

雀

黃鸝

鶻

鴛鴦

水鴨

鷺

鸕鶿

淘河

天鵝

鶻

雁

鶴

啄木

鸛

獸之類

鹿

麋

狐

貉

兔

野狸

獾

狼

鱗之類

鯉

鯽

鱒

魴

鱧

鮎

白鰩

鰻鱺

鱖

貨之類

綿紬

山繭紬

生絹

木綿

紅花

蜜

蠟

炭

煤

石灰

靛

狐狸皮

雜物

菁

荻

葛

荆

削

麻

臨朐縣志卷之二

官政志

官守所在政教於是焉出矣吏茲土者接踵而至名可泯泯已乎乃若古今詳畧則限乎見聞所及作官政志第二

公署

縣署在城東北隅東北抵城西抵民舍據舊志為元至治初縣尹董翌建也

國朝洪武初知縣陳棟二十一年知縣李鵠天順中

知縣卜釗成化中知縣史效相繼脩葺正德初燬于流賊今公堂廨宇等大畧皆知縣雷啓東脩葺也縣大門不知始何人作疊磚石為券門西向不知其何也直大門之東為平臺上建鐘樓則出知縣褚寶今樓則知縣賈東山撤榭樓而改作之於大門之上又作屋置更鼓焉訓導嚴怡有記於公堂後又建有忠愛堂教諭祝文有記夾堂階有老槐數株其西南一株尤古殆數百年物儀門左為土地神祠右為申明亭申明亭之右為府館土地

祠之左為按察司縣獄在府館前門東向倉在獄之右門北向

按察分司在縣署東元縣尹董翌建東抵城西抵土地祠後抵典史宅歲久傾頽規模卑陋嘉靖二十八年知縣王家士重建

布政分司在萬壽寺東正統四年知縣任榮建後及右皆抵居民宅舍歲久傾頽規模卑陋知縣王家士重建

府館元縣尹董翌重脩洪武二年知縣陳棟重建在

縣署儀門西東抵由明亭西抵民舍後抵主簿宅
知縣王家士重脩

學校

儒學昔在縣治西南隅宋紹聖五年知縣李恭始遷
于此宋季燬于兵元中統簡縣尹陳仲祥至治間
縣尹李善卿嘗相繼脩葺

國朝洪武二十年知縣李瑀正統四年典史鍾興景
泰二年知縣劉環成化七年知縣卜釗亦嘗相繼
脩葺嘉靖十年知縣褚寶傷其圯陋勸用民力於

廟廡堂齋等凡既脩飭於明倫堂後又建有希聖堂於希聖堂東西又作有號舍於儀門外鑿有泮池則出其意其作敬一亭作啓聖鄉賢名宦等祠則奉

詔令而爲之也敬一亭在明倫堂前於制當遷堂後其所作希聖堂則已頽廢啓聖祠在時習齋之西名宦祠在儀門左鄉賢祠在儀門右教諭宅在西廡後訓導宅在教諭宅前一無宅學地東抵民舍西抵民舍後抵縣倉及城

嘉靖二十八年知縣王家士重脩廟廡堂庫齋房

牲堂於堂西南仍建堂三間於明倫堂之後

學倉景泰二年知縣陳完脩達成化十二年知縣劉

射圃在儒學前久被民侵且潛取土鑿為深坑知縣

脚下南至孟緒墻脚下西至許科孟緒墻脚下北

至官街中心西邊長拐一段南北長九十九步北

口七步中口八步南口七步一尺東邊短拐一段

學地元山東東西道肅政廉訪司僉事智達魯花

赤大不花主簿張深典史李克讓原撥學地二頃

一十畝

一本學周圍地一十畝東至城南至課閭相公
西至周巨川東北二至官宅墻東西取直為界
西北至牢墻西至蕭瑞卿等

一鄉下靈山地二頃餘一段一頃二十畝餘東至
小道南至官荒北山西至水溝北至水泉取直
為界一段靈山西北八十畝餘東至官荒地南
至水溝西至峯堆北至小道地界雖在被民混
耕

一段續撥城郭周圍壕塹地惟城東一面教諭訓

導分種其三面俱民占耕

國朝成化十一年續買學地九段契收卷內

一買德化坊民人閻讓宅東西五十三尺南北三十八尺用價銀四兩

一買德化坊民人閻珉宅地價銀五兩今西耳房後官地也

一買田庄社民人蘇崑宅地東西五十二尺價銀二兩

一買朱封社民人油雲地南至大街東北二至儒

學西至寶宣王雍宅價銀一十二兩今庠門出入之路也

一買田庄社民人蘇占宅地價銀一十二兩今西齋號之地也

一買德化坊民人王昇宅地價銀二兩

一買孤唐社民人聶岱宅地價銀二兩今庠門西號地也

一買恒濟廂民人王聰宅地

一成化十二年又買政平坊民人李果園地價銀

一兩五錢今西官宅後也

胸山書院在儒林坊南街東嘉靖十年知縣褚寶建
有養正景賢堂東西塾及書齋今廢提學陸公鉞
有碑記知縣王家士重脩門牆建講堂於中
社學洪武中

令府州縣每五十家設社學一所請秀才教諭軍民
子弟

累朝勅遣督學憲臣必以脩舉社學為言意甚至也
胸各里舊有學久而墮廢經褚令脩復者多近又

廢矣司宣化之寄者其必以此為首務可也

五井集社學知縣王家士重建司訓夏雲鵬有記
治原集社學前令楮寶達近為居民竊毀知縣王家
士因故址重建

祠廟

文廟

啓聖祠在大成殿西

名宦祠在儀門東祀金主簿吳德彰元縣尹陳仲祥
秋子英

國朝知縣張璉蔣瓊近有褚寶生祠在北門外
鄉賢祠在儀門西祀典見鄉賢

城隍廟在縣治西南

東鎮廟在沂山之東舊合數縣之力脩葺廟制弘壯
有碑記可考歲久傾頽知縣王家士建小殿三間
以覆神像燒磚數萬但巨木難得鎮廟祀典非他
與作可擬煥然鼎新固有待於豐年隣邑共成之
力也

逢山祠在逢山之北

八蜡祠在栗山借淫祠祀之

壇壝

風雲雷雨壇在南門外

社稷壇在北門外西

邑厲壇在北門外東北

鄉社壇

鄉厲壇俱在各社

雜署

稅課局在南關街西宣德八年罷

巡檢司在穆陵關久雨傾頽知縣王家士重脩
陰陽學舊在縣治西北史令遷城隍廟側令改遷布
政分司之左

醫學舊志在縣治西莫考所在今與陰陽學並
僧會司在萬壽寺

道會司在紫微觀

申明亭一百七所俱洪武八年知縣范文聰建一所

在城一百六所在各坊鄉

舊志

旌善亭一百七所俱洪武十五年知縣薛誠建一所

在城一百六所在各坊鄉

舊志

申明亭在縣治南

旌善亭在縣治西

德化坊申明亭在縣治西北

政平坊申明亭在縣治

缺地

承恩廂申明亭在北關街東

宣教坊申明亭在縣治南街西

恒濟廂申明亭在南關街西

史志

以上旌善亭一座申明亭六座俱久廢經史令

查建又復廢矣况知舊志所載范薛二令所建者乎時事大畧如此亦豈獨胸為然今儀門西所建申明亭乃賈令為之

教場舊在瀟河南項年為水所沒知縣王家士移置北關外計地一十三畝東至趙進南至李先西至官路北至張瑞用官價銀二十五兩八錢五分接官亭在縣西北

養濟院舊在縣治南衙東今改城隍廟西漏澤園在縣北五里堠路西成化十九年知縣張璉

脩築立石二十二年知縣史效建坊

倉庫

縣庫在縣堂西

存留倉一所四座在縣治南知縣范文聰建

舊志

史志存留倉囤一所在縣治南洪武二十二年縣丞

溫敬文造景泰五年知縣陳安脩倉廩七間成化

七年知縣卜釗主簿康功增脩倉廩十二間嘉靖

二十八年知縣王家士新脩預備倉南廩五間新

脩存留官倉北廩七間南廩草房三間倉門三間

房二間

右上二志所載如此疑即儀門之南倉也縣之預備倉亦在其中

預備倉四所俱洪武二十一年縣丞溫敬文達

一所四座在忠善鄉

一所四座在禮讓鄉

一所四座在孝慈鄉

一所四座在仁壽鄉

右上史志同

城隍廟東倉一所久廢成化二十二年知縣史效復

建今廢

南北長四十三步三尺北口十九步三尺南口十六步二尺該地一畝五分八釐陸毫東至許亮南至張邦土西至城隍廟北至王奉

鋪舍

駢城總鋪在北門外

地三分三釐三毫東至許詔坑堰南至郭朝橋墻脚下西至官街北至人行火巷

石溝河鋪在縣北一十里

赤澗鋪在縣北二十里

彥塚鋪在縣南一十里

七賢鋪在縣南二十里

伴塚鋪在縣南三十里

籠洗鋪在縣南四十里

火炤鋪在縣南五十里

黃澗鋪在縣南六十里

蔣峪鋪在縣南七十里

小關鋪在縣南八十里

大關鋪在縣南九十里

李庄鋪在縣南一百里

貢賦

夏稅一萬一千二百七十八石九斗六升三合六勺

起運八千二百石餘存留

秋糧二萬六千三百一十七石五斗八升一合一勺
起運一萬八千五百石餘存留

馮惟敏曰禹貢周官賦皆九等我

朝定制亦以九為差然皆不外於什一著之令典申
之律條為民永賴有年矣邇以他邑長吏售催
科之議一槩厚斂毒流四方坐派不分則力而
小民亡命徵收不分倉場而富室蕩產成法一
隳部民日散願自謂能而大吏亦甚異之嗟乎

司民事者能勿為身圖則理財阜民之法自有
國家之大典在

王家士曰或有問于予者曰履畝而稅法也今
徵賦不以地而以力或相倍蓰何居公平之政
固若是乎曰江河趨下詭寄日滋富者多無糧
之田貧者反輸重稅且有無地之糧矣拋荒流
移相尋不已安得不裒多益寡以貧富之力定
乎曰清查詭寄而峻法懲之彼何說之辭曰予
嘗力行之重懲里書十得其四五登正之止矣

人亡籍去無隙可查者將奈之何故莫若行文
量之法溝渠道路川流沙石山坂不毛之區捐
以與民取四境可耕之地沿坵履畝丈量而通
計之則壤定賦輕重適均詭寄將安所施乎豈
惟惠此貧黎免於流竄而富者亦有利矣今是
法方幸允行第予已入

覲事竣當躬率行之以畢予志由是阜民移俗庶其
有濟乎

馬草五萬七百七十束

農桑折絹二百三十五疋二尺八寸五分

絲綿折絹三百一十一疋五尺四寸四釐二毫七絲

八忽

花絨二百二十五斤四兩八錢九分二釐

鹽鈔起運京庫二萬二千五百三十三錠存留府庫

數同

藥材銀一十三兩七錢五分

料價銀七百一十二兩八錢

課鈔一千六百七十三錠三貫一伯六十七文

胖衣六十五副二分五釐

驛馬上馬六匹中馬十四匹下馬四匹

鋪陳每年徵銀二百三十六兩解府各驛支領

力役

易州廠樂夫七百三十名每名銀三兩一錢

木樂銀一百四十二兩二錢

安東衛軍器銀二十八兩六錢脚價銀一十三兩

衛府齋郎四名每名銀五兩

玉田等府民校三十九名每名銀一十二兩

漢陽府民尉二名每名銀一十兩

京班皂隸柴薪三十八名

布政司皂隸柴薪一十六名

按察司皂隸柴薪一十五名

鹽運司皂隸七名

長史司皂隸柴薪五名

本縣各官柴薪九名

儒學齋夫六名已上每名銀一十二兩

本府水庫倉斗級二名

本縣預備倉斗級三名

本縣庫子二名已上每名銀六兩

本縣門子五名

儒學門子六名庫子一名斗級一名

巡檢司弓兵一十名已上每名銀三兩

分司府館門子五名每名銀一兩

山川社稷邑厲壇門子三名每名銀五錢

本縣直堂皂隸一十一名

儒學膳夫四名已上每名銀一十兩

本縣各官皂隸二十名

守城民壯一百名已上每名銀四兩

本縣禁子五名每名銀八兩

鍾鼓夫二名每名銀四兩八錢

本縣各官馬夫四名每名銀四十兩

各鋪司兵三十二名共銀一百一十五兩

兵備道存操有馬快手二名每名銀一十一兩二錢

兵備道存操有馬民壯一十三名每名銀七兩二錢

步隊團操民壯一百一十三名每名銀七兩二錢

新設義勇五十四名每名銀一十八兩每兩徵至三兩民甚苦之

鎗手一千名除均徃正差外各免火夫小差

馮惟敏曰今制軍伍之外有丁壯可謂足兵矣鎗手起于峒賊慄悍難御然但能依山格鬪不利平行頃歲峒禁方嚴民不習鬪每徵兵檄下市井惡少揭竿雲集道路皇皇帑藏告竭虛名實徇有不可殫言者不然五戍邊陲而不使一戰主將獨無意見于其間哉竊意不如罷之便

王家士曰胸之害三礦徒鎗手詭寄之弊是也
礦之害予厲禁之頗靖丈量均稅以絕詭寄今
秋幸允行第以旱澇災傷脩築城池防秋之檄
無虛日加之鎗手增至一千八百餘名近復選
驍壯五十五名一遇征調所費不貲矧無賴之
民有損無益乎丈量之法明歲可行然非得人
不足以濟事乃鎗手之害惟在上司察其不足
以禦虜罷之以惠貧困耳不然胸之害未艾矣
各項祭祀銀一百五兩六錢

鄉飲銀一十二兩

歲貢銀三十六兩

公用銀一百兩

歷宦

知縣

唐李道賓

宋李敬一日李恭紹聖五年來令臨朐以學校為首務因

舊學在城西南隅狹隘不堪亟命徙於羊石街

即今地也

全蒲察昭武

元陳仲祥中統間為臨朐令操履端潔政事脩舉歲
旱禱雨必應隣境民流離塞道公留賑之所活
甚衆大都督保奏宣賜金帛授以金牌

李善卿前為監縣以久任陞脩學校決疑獄持己
廉平勤於撫字民信愛之

狄子英中統乙卯為令廉潔勤慎賑饑有方民賴
全活公餘杜門端坐手不釋卷聲色紛華淡無
所好

李汝弼

袁宏

魯琦

張牧寧

張士英

陳裕

馬天驥

辛世顯

張琳

董翌

國朝

陳棟

胡達

亢惟賢

范希政

范文聰

薛誠

李瑀

張達

張鳳

任榮

張榮

宋濟

陳安

白璧

卜釗字景威穎上縣人由進士成化間知縣事政

以平易節儉為本尤能體悉群情秩滿當去民
奏留之及去民為立石以記德政

張璉字大器河南鞏縣人由進士明達有守得為
政體成化庚子大旱餓殍塞途凶歉之灾曠世
所未有公勸諭富室或自經畫民賴甦活者蓋
以萬計逾年雨暘順序麥秀雙岐斗米數錢民
乃樂業三載擢御史去後胸民有過之者如見
父母故縉紳號為張臨胸云

劉環

史效

淮安府山陽縣人由進士

周爵

河南固始縣人由進士

符瓊

大興縣人由進士弘治中知縣事天性英敏

馭民有恩

郭登

劉時禎河南陳州人由舉人

周明弼直隸無錫縣人由進士

李釗榆林人由監生

姚文明山西潞州人原籍河南磁州人由舉人正

德中知縣事當流賊傷殘之餘惠安遺民勸勉
農業清節自厲不事威刑而民自服以當道薦
陞順天府通判

柳彛山西閔水縣人由舉人

吳江河南睢州人由舉人

雷啓東字震之河南開封府儀封縣人由進士正
德辛未來知縣事先是城邑兩經流賊殘破公
至浚築城塹聚鐵鑄兵為守備計以其剛果明
信民從其令爭先恐後纔十八日而城守之具

已備即聞流賊將逼郡城公令近縣諸社之衆
盡挈其家及芻粟入城夷竈堙戶清野待賊經
營甫定而賊果擁衆驟至公部分丁壯督率捍
衛號令嚴肅寂然無譁賊既莫測城中所為擄
於野又一無所得圍凡三日相與驚歎解去按
祭義能為民禦大災捍大患則祀之公有大功
于胸宜載祀典而名宦至于今闕而不舉不知
胸之公議果何自定耶

王家士曰予治邑之四年訪之僉謂有功屢申

請舉祀名宦按臺劉公屢駁不允邑之公議殊不平

張裕山西太平縣人由監生嘉靖初知縣事廉平果毅勤恤民隱力能刈鋤豪彊且決獄明允事無留滯時當道者稱山東三令公其一也

王舜民河南陳州人由舉人

孔泗河南洛陽縣人由進士任法嚴明民甚畏之未暮以喪去

褚寶字光楚鳳陽府懷遠衛人原籍河南偃師縣

人由進士嘉靖庚寅來知縣事脩葺學校興起
士類自是科第相繼有人士論咸以為公之力
云

陸昌應天府六合縣人由監生

貢朗應天府天長縣人由監生

張鵬漢陝西章縣人由監生

賈東山山西蒲州人由舉人以嘉靖二十二年來
知縣事政尚節愛勤慎其作忠愛堂鍾鼓樓脩
壇墳鋪舍等不甚勞費民頗有子來之意二十

五年

朝覲銓曹不見察引讒者所注考語調拓誠縣
王家士字汝希河南光山縣人由舉人嘉靖二十
六年未知縣事

縣丞

唐王修記

元王成

辛德祿

李貴

國朝

曾一德

温敬文

李忠

張遺

章文清

楊得成

田滋

查信

亢景中

李通

張俊

宋信

郭驥

張清

上官鑑

張進

劉倫

劉榮

王侑

丁袍

張璣山西汾州孝義縣人

張叙直隸邢臺縣人

李澁山西吉州人

康國器江西人

劉玄直隸興化縣人有學行初任見官長耻稱呼
輒棄官去

晉鳳山西大同府人

蘇時球福建

張元福建莆田縣人

王來聘河南開封府陳州商水縣人

主簿

唐張洎

全吳德彰世宗時為簿政行化洽時益都屬飛蝗為
灾獨不入境大旱輒雨歲乃大熟

元王伯顏

杜佾

王大用

高漢舉

陳良

張深

高成

蕭仁主簿兼尉

國朝

林士曜

刁庸

趙本

周濟

朱廣

王希賢

王敬

袁弘

孫昇

劉英

陸廣

王理

孟淮

康功

李鼎

許男

蕭時芳

霍寬

孫鏡

林祿

吳養賢

武仲學

王相直隸邳州人

馬瑄山西平陽府安邑縣人

李鳳陝西富平縣人

李春陽

朱衣直隸通州人

安廷珏山西五臺縣人

張文獻山西洛川縣人

郝瑜直隸寶坻縣人

安寧山西行都司威遠衛人

典史

唐蔡希高

宋黃顯

元張大業

衛從信

劉士良

王紹先

李克讓

郝訥

井涓

曾深

曾興元制尉之外
有典史亦併

之存

國朝

楊奎

吳勝祖

陳禮

孟春

陳顥

蒲鎬

鍾興

徐弘訓

金蘭

杜寬

王獻

王冕

陳顯

林茂

丁達

王達

朱釗

王表

劉朝

王爵直隸宣城縣人

王整直隸吳橋縣人

郝九思陝西西安府耀州富平縣人

教諭

元劉源

柳煦

鞏克求

國朝

吳庸

許杲

張友信

俞遜

張玉

陳旻

朱朝薰

黃陞榮

陳俞

顧德

李遜

張琦

蔚澤河南襄城縣人成化末年來為教諭以禮義

躬率士類嚴設科條期有成效事神誨士九載

如一日為人所傳頌

任倫

郭基浙江金華縣人弘治中來為教諭博雅嚴恭

經學課士有師儒體

倪裕

郭良

王旻

郝鈇

沈璧

侯讓直隸雄縣人

祝文宇茂徵江西寧州人陸沛縣知縣

李唐直隸安慶府懷寧縣人

訓導

張肅

田士芳

趙信

周彬

宋徵

管廷瑄

白經

王鑑字孔明河南確山縣人弘治間為訓導廉公
勤敏樂育人材有知之鑑拔士之秀者講授之
後果皆知名以御史召去

位文益

張璉

張悅

蔡容韜

蘇泰

張琚

李璟

趙珂

閻瓚

藍田

鄭時泰

宋厚字德坤直隸定興縣人廉介和厚文雅可師

陸中牟縣教諭

胡歸化河南羅山縣人

嚴怡字士和直隸如皋縣人陸嵩高縣教諭

夏雲鵬字南叔浙江嘉興縣人

趙儀直隸晉州人

潘鉞字直隸天津衛人

臨朐縣志卷之三

人物志

人物山川相為表裏者也朐之山川於東萊可

謂壯哉使鍾靈其間者有弗稱焉如山川何作

人物志第三

名賢

管寧字幼安北海朱虛人也年十六喪父中表閔其

孤貧咸共贈賙悉辭不受稱財以送終與平原華

歆同縣邴原相友俱遊學于異國天下大亂聞公

管氏

字幼安

北海朱虛

人也

年十六

喪父

中表閔

其孤貧

咸共贈

賙悉辭

不受

孫度令行于海外遂與原及平原王烈等至于遼東度虛館以候之既往見度乃廬于山谷時避難者多居郡南而寧居北示無遷志後漸來從之太祖為司空辟寧度子康絕命不宣中國少安客人皆還唯寧晏然若將終焉黃初四年詔公卿舉獨行君子司徒華歆薦寧文帝即位徵寧遂將家屬浮海還郡公孫恭送之南郊加贈服物自寧之東也度康恭前後所資遺皆受而藏之既已西渡盡封還之詔以寧為太中大夫固辭不受明帝即位

華歆遜位讓寧遂下詔以寧為光祿勳又詔青州刺史命別駕從事郡丞掾奉詔以禮發遣寧上疏乞骸骨自黃初至於青龍徵命相仍常以八月賜牛酒詔書問青州刺史程喜曰寧為守節高乎審老疾疴頓邪喜上言揆寧前後辭讓之意獨以生長潛逸耆艾志衰是以栖遲每執謙退此寧志行所歆必全不為守高正始二年太僕陶丘一求寧衛尉孟觀侍中孫邕中書侍郎王基同薦於是具安車蒲輪束帛加璧聘焉會寧卒時年八十四拜

子邈郎中後為博士初寧妻先卒知故勸更娶寧
曰每省曾子王駿之言常嘉之豈自遭之而違本

心哉

三國魏
志傳畧

按水經云巨洋水出朱虛縣泰山鄆道元云巨
洋水自朱虛北入臨朐泰山即沂山巨洋即瀰
水也因知朱虛地今省入臨朐境內管公得祀
為鄉賢論胸事者固當以沂山瀰水為斷云
邴原字根矩北海朱虛人也少與管寧俱以操尚稱
州府辟命皆不就黃巾起原將家屬入海住鬱洲

山中時孔融為北海相舉原有道原以黃巾方盛
遂至遼東與同郡劉政俱有勇畧雄氣遼東大守
公孫度畏憚歆殺之盡收捕其家政得脫度告諸
縣敢有藏政者與同罪政窘急往投原原匿之月
餘時東萊太史慈當歸原因以政付之既而謂度
曰將軍前日歆殺劉政以其為已害今政已去君
之害豈不除哉度曰然原曰君之畏政者以其有
智也今政已免智將用矣尚奚拘政之家不若赦
之無重怨度乃出之原又資送政家皆得歸故郡

原在遼東一年中徃歸原者數百家游學之士教授之聲不絕後得歸太祖辟為司空掾原女早亡時太祖愛子倉舒亦沒太祖欲求合葬原辭曰合葬非禮也原之所以自容於明公公之所以待原者以其能守訓典而不易也若聽明公之命則是凡庸也明公焉以為哉太祖乃止徙署丞相徵事崔琰為東曹掾記讓曰徵事郎原議郎張範皆秉德純懿志行忠方清靜足以厲俗貞固足以幹事所謂龍翰鳳翼國之重寶舉而用之不仁者表代

涼茂為五官將長史閉門自守非公事不出太祖
征吳原從行卒

即原所為辭操合葬之語何毅然有丈夫節也
使若華歆輩人雖生女亦許之矣及為五官將
長史杜門自守非公事不出其無意乎

國淵字子尼樂安蓋人師事鄭玄後與邴原管寧避
亂遼東及還仕魏為司空掾屬每公朝議論常直
言正色後遷魏郡太守太僕卿雖居列卿布衣蔬
食祿賜散之故舊宗族以恭儉自守通志

按顏師古周禮注云沂山在蓋今為臨朐南境
淵固朐人樂安舊志誤收新志黜之良是漢有
樂安國尋為郡意蓋縣嘗隸之也朐與樂安舊
志不考蓋縣所在而但見樂安字漫為取舍胥
失之矣

宋張平青州臨朐人弱冠寓單州依刺史羅金山金
山移滁州署平馬步都虞候太宗尹京兆置其邸
及秦王廷美領青州復署為親吏太宗即位召補
右班殿直監市木秦隴平悉更新制建都務計水

陸之費以春秋二時聯巨筏自渭達河歷砥柱以
集於京期歲之間良材山積太宗嘉其功遷供奉
官監陽平都木務兼造船塲舊官造舟既成以河
流湍悍備其漂失凡一舟調三戶守之歲役戶數
千平遂穿池引水繫舟其中不復調民民有冠陽
拔華者往來關輔間為患積年朝廷命內侍督數
州兵討之不克平以好辭遣人說之遂來歸改崇
義副使仍領其務凡九年計省官錢八十萬緡雍
熙初召還同知三班事累遷至客省事卒年六十

三上為廢朝贈右千牛衛上將軍給葬具平好史
傳微時遇異書盡日耽翫或解衣易之及貴聚書
至數千卷在彭門日有侮平者數輩後悉被罪配
京窯務平子從式適董其役見之以語平平召至
第為設酒饌勞之曰公等不幸偶罹斯患慎勿以
前為念給以緡錢且戒從式善視之時人稱其寬
厚從式累官文思使次子從吉以蔭補殿直以軍
功至位莊宅副使出宋史
國朝張謙臨朐人邃於理學洪武初以薦授夏縣儒

學教諭卒葬于夏弟子慕其道義如哭私親出夏志

鄉賢

漢管寧見上

國朝馬愉字性和號澹軒世為臨朐人純默和易言
不忤人行不媿己性至孝八歲喪母執喪如成人
力學至忘寢食為文章敏贍不務雕斲而渾厚典
雅自不可及求樂庚子以禮經為省魁宣德丁未
廷試第一累官侍講學士預聞機務論事務存寬
厚嘗奏讞疑獄經年不決者遷禮部右侍郎兼侍

講學士每經筵進講

上注目焉自釋褐登朝幾二十年致位清顯承顧問
被寵遇謨猷密勿士大夫以為榮公歉然若不勝
夙夜祇懼以清慎自守門無私謁壬辰以疾終賜
葬祭贈翰林學士資善大夫禮部尚書有澹軒文
集行于世

馮惟健曰澹軒公未論其爵位通顯其行履醇
潔蓋先哲之望也予嘗登其堂訪其遺跡見其
所為書雖草稿皆小楷又讀其詩文志傳焉慨

然想見前輩典刑與其孫遊皆蹈禮好學未嘗
不歎其流風也

鞠珍字廷玉克郡庠弟子貞中成化癸卯鄉試性質
直奉親孝絕不信陰陽浮屠家說葬母躬負土高
其墳遇歲饑拾菜躬耕自如也後選南樂縣主簿
愛民一毫無所取秩滿詣冢宰乞歸三原王公考
其績當遷曰吾老不能任職有餘祿足以養老復
何求三留之而辭益力三原公作色曰吾有媿乎
爾矣吾有媿乎爾矣居家惟閉門讀書尹嘗署其

家以遠役公家無人可行則齎餼糧以往左右言之尹尹驚曰何為乃爾曰公役當行尹遽揮之自非飲射公事不見其迹人稱其有澹臺滅明之風馬沈潛字思旦號長虛軒補郡庠弟子負受業於任丘叙庵李公君學有理致從之游者甚衆幼失怙逮母没合葬結廬墓側寢苦枕塊泣血三年一夕有強暴經其廬皆曰此孝子也我當避之朝視其處有遺金馬又異禽多未巢墓樹叙庵詩美之有誠感靈禽巢滿樹化行疆暴夜遺金之句後邑侯姚

公嘉其孝請為鄉飲賓辭焉使者數及門且曰凡以為先生孝行未也何拒之深邪曰予惴惴朝夕懼獲戾于先子予豈能孝者邪予所為不敢往者恐媿天下孝子仁人也侯聞之為之出涕正德辛巳授康陵衛經歷未一月卒有長虛軒稿藏于家馮惟健曰吾聞之海亭子曰吾猶及與師旦同游郡庠師旦循循口不能道辭溫厚醇雅有古人風其所蘊蓄不可槩見乃其所自得者深矣

海亭黃知益都人仕
至江西左布政使

馮珍戶部郎中暹之子中正統丁卯鄉試歷河南林
縣山西靈石河南封丘三學教諭陞順天府學教
授為人以正大存心以端厚持已事母盡孝處宗
族鄉黨咸得其懽心讀書雖寢食手不釋卷自入
儒職毅然以興起斯文為已任明德新民之學脩
已教人無時或怠也賴其功而成才者項背相望
及告老歸惟詩酒自娛足不履公門有司非飲射
公事不得見其面視外物聲利澹如也

出青州府
推官門生

陳天祥
墓表

張繹字文緒以歲貢授真定衛經歷銓司考其廉慎
公勤擢知大同府懷仁縣縣近北虜軍民雜居獷
朴難治公至則抑強剔弊重兵恤農興學禮士俗
為一變武官世族鮮克由禮有訟獄至數十年者
公為決焉有干請饋遺者則厲聲却之著廉明果
斷之譽擢通判本府遂告歸築室方山之下社門
不出克閑有家歸甫三年無疾而卒性剛正能面
折人過平生未嘗以私干人人或干以私亦隨謝
絕之好讀書老而不倦是宜其發于後人也

出行狀

馮裕字伯順仁壽鄉人先世以丁壯戍遼東公生于
廣寧少孤貧刻苦讀書開義州賀醫閭先生倡明
理學即往師事之正德初登進士除華亭令時瑾
豎扇袖邑人張文冕為瑾心腹以家託公不吝計
日徇及而逆黨伏誅歷蕭縣晉州所至有惠政民
多去後之思遷戶部郎出納糧穀一任法制數忤
權貴權貴顧益重之出守貴州陞按察司副使屢
有平蠻功漢夷帖服復以忤時棄官歸臨胸宦游
三十年囊無餘金鄉人知之亦不索逋也性剛正

重厚細行必謹待人以誠雖遇童孺貌無不肅見者莫不起敬不敢干以私晚年端坐陋室手不釋書雖公事亦不至官府但與諸同志觴味往來號海岱詩社四子登科人以為清節之報云

進士

洪武戊辰科張憲未仕

宣德丁未科馬愉見鄉賢

正德戊辰科馮裕見鄉賢

嘉靖戊戌科馮惟重行人司行人

馮惟訥

常州府宜興縣大名府魏縣知
縣山西蒲州知州揚州府松江

府同知南京戶部員
外郎中

甲辰科遲鳳翔

戶部主事陞郎中改兵部職方

丁未科張邦彥

工部主事改戶部陞員外郎

舉人

洪武丁卯科王矩

未仕

庚午科崔鑄

山西太原府儒學教授

永樂己卯科程遠

禮科給事中 陞貴州僉事

癸卯科張翼

遼東都司 陞西

城兵馬司指揮

左原

順天府大興縣訓導

乙酉科李真

戶部主事 戊子科

王幹

直隸宿州衛經歷

白潔

馮暹

字仲昇 初授行在兵部主事 轉戶部主事 陞戶部郎中 轉在戶部郎中 卒于官

辛卯科姚璉

山西道御史

馬馴

未仕

馬健 未仕 甲午科

夏景

任縣丞

劉福

未仕

李安

遼東苑馬寺主簿 陞河南開封府同知 丁

酉科陳琮

南京監察御史

劉崙

山西孝義縣知縣

張矩

未仕 胥可貞

未仕

正統丁卯科馮珍見鄉賢

天順己卯科王琰

浙江寧波府同知

井秩

河南南衛輝府通判陞廬州府同知建

南陽府知府致仕

正德丁卯科竇慶衛府審理

嘉靖戊子科馮惟健

丁酉科馮惟敏

丙午科張邦直

王邦直

歲貢

張義

洪武

陳恪

任廣昌王

劉志

河南懷慶府推官

潘忠

處州府龍

縣知

翟斌

遼東廣陽衛經歷

李讓

揚州府軍儲倉大使

蒲昇

陝西臨

道縣縣丞

陞浙 陳儼

浙江衢州府同知

世 王震

順天

府未清

陳政

任主 許信

江西道御史以上

李信

部

主事 李志

義勇衛經歷

王衍

陝西寶雞縣丞

劉洞

鴻臚寺序班

孫勝

山西徐溝縣知縣

李英

任縣丞

孟善

浙江杭州府同知

張霖

未 尚志

任知

姬履

未 王統

山西隰州判官

王彪

左軍都督府經歷

邢端

照磨 李瓘

未 楊慎

以上未樂間貢出生員

李思

及題名版榜

趙紆未仕王臻四川馮旻河南王綸河

使高鵬順天府李大用未仕井淵大名府陳端

山西太原蔣欽未仕史瞻江西沈瓛密雲衛

張運未仕馬徵字廷敬齋澹軒公長子也

問博極羣善以蔭入太學授汜水令始至即種竹

財產者更數令不能決至是各持千金求勝兩却

寒卒士林歎曰正人亡矣其孝友公忠李賢未仕

趙俊鴻臚寺直張達湖廣陸彭昂未仕

張珍未仕許佐廣盈倉續端河南鹿麟冠帶

劉潤

直隸保定縣縣丞

張觀

直隸宿遷縣縣丞

任達

陝西鳳翔縣知縣

李茂

河南湯陰縣縣丞

劉浹

河南洛陽縣典史

陳端

直隸高郵州判官

劉銘

山西山陰縣知縣

劉毓

大名中衛經歷

馬徽

河南布政司檢校

鞠珍

見鄉賢

武功

高壽

劉清

魏勤

冠帶榮身

李聰

郝鵬

趙文傑

顏溥

李璇

直隸河南府檢校

張寧

殷悌

歷任山西吉州學正

張繹

見鄉賢

王武

以上出名榜題

劉連

未仕 馬輅

孫倫

張傑

朱鳳

未仕 胥璋

褚憲

縣丞 杜印

劉鐸

劉潭

王佐

未仕 劉政

井濟

歷任陝西後州學正

油銘

直隸寶坻縣訓導

尹用

傅增

歷任年野

王教授曹鉞王濟嘉靖年貢浙江表許蓟州天府

學訓尊陞保定李宏河南陳州吏目李緒井拱

直隸穎榆盧儉直隸蘇州府吳縣河南開封府延

縣主簿教授袁琳署正林苑孫廣譽直隸東光縣儒學訓導陞吉王府

授府教張秩直隸隆慶州儒學教諭導李文翰直隸良

丞馬珩澹軒公之後性孤潔好學傅應選浙東益

歷蔣詵直隸松江府金山衛訓孫勉聶相

竇思義許衢劉珮傅應兆陳愷馬幾

顏庸

例貢

王武

聶鑄河南衛輝府知事

聶鄉典王府儀張琯

趙試

直隸大縣主簿成

陳經

李棟

張英

鄭剛

沈國徵

薦舉

國朝苗穢

孝慈鄉人授南京苑馬寺清河監長春苑

陳周昇

書堂社人仕至陝西布政使

賀均禮

時村社人仕至山西布政司叅議

張恪道

牛河社人仕至湖廣襄陽府知府
以上出生員李思惠家舊志

武勲

元馮才興 戶部郎中暹之祖也仕元為萬戶侯
出其曾孫教授珍墓表

井涓 田村社人宣授千戶
出井氏先生碑記

國朝李俊 忠善鄉人留守忠衛中所千戶

鄭良 恒濟南人旗守衛前所百戶

張雄 禮讓鄉人廣寧右衛前所百戶

姜振 禮讓鄉人廣寧右衛前所百戶
以上出生員李思惠家舊志

孝義

元辛世顯字伯榮黑山里人其先 仕金至孟州

防禦使懷遠大將軍金符親軍都尉至元授
臨朐尹有惠政於民年七十五卒於家世顯其
長子也忠誠孝義武而有文弱冠從軍累立戰
功凡四授宣命珮以金符缺南北既一公既勇
退缺弟某亦願就閑適時公年踰七旬精力不

衰日相與宴集怡怡如也老稚百餘口共織而
衣共爨而食閨門肅睦人無間言至此同居五
世矣其家世相傳朔望必薦新于家廟率家人
以奉祀焉至于子孫皆不廢學咸知禮義之方

定省之節人皆稱美之元大德六年邑之耆目德
李士珍等舉於縣縣薦於總府移文憲司覆實
朝命旌表之出生員李思惠家舊志

國朝鞠珍

潘高報牛河社人父死廬墓三年有司奏請旌異未

卜希顏旌異未報恒濟廟人父死廬墓負土為墳有司奏請

旌異

王旌詔旌為義門小山社人正統七年出粟一千三百石助賑

貞節

元巨林妻王氏盤羊里人年二十八歲而林卒即不
事膏沐以節自持家貧子幼王氏孝養舅姑訓
字孤遺奉祭祀睦親族克盡婦道天性質實勤
儉力於蠶蠶績鷄鳴而起夜分而寐率以為常如
是者二十餘年家道漸盛居室完美生息蕃衍
皆王氏之力也至正初鄉耆劉就等言諸有司
為請於朝以貞節旌其家門闕其家後
楊原妻顏氏王家莊人年二十九而原卒遺有三
子二女顏氏布衣蔬食屏絕華好勤於農桑肅

於婦儀訓字孤遺咸克成立中子克忠仕為滕
州右學正年八十有一鄉耆以聞至正二年十
一月旌表之

國朝張仲先妻齊氏盤羊社人年二十九而仲先卒

一子文顯年始四歲齊氏守志不移奉姑甚謹
數經兵凶卒不自失教子以義治產以勤鄉閭
稱美年七十三鄉耆韓道亨等言于有司為移

申禮部永樂三年冬旌表貞節之門

以上出生
員李思惠

家舊
志

孔子曰君子疾沒世而名不稱焉豈誠疾夫名之不稱誠疾夫無實之可稱也從古至于今胸之人物止此邪怡觀夫舊志于管邴且不傳可知已非文獻不足則可稱者鮮也且今所志其的然不朽者又自可知則觀志者又自可以有省矣

流寓

春秋歐冶子澠水燕談青之南有冶原昔歐冶子鑄劍之地是謂歐冶子嘗鑄劍冶原也按姓氏書

歐冶子為吳人又蜀志楚王嘗召風胡子令之
吳見歐子與歐同師吳越春秋越王允常嘗聘
歐冶子作名劍五枚則歐冶子蹤跡常在吳越
之間燕談謂其鑄劍於此當必有據恨莫之考
耳

宋劉孟節壽光人少師种放天姿絕俗篤好古學酷
嗜山水青之南有冶原歐冶子鑄劍之地山奇
木清叢筠均古木氣象幽絕孟節欲隱其間富韓
公為築室泉上詩以餞之曰先生已歸隱山東

人物空其後范文正公文潞公皆優禮之欲薦
之朝孟節懇辭不就齊乘

按孟節名槩舉進士及第為幕僚一任不得志
棄官隱居冶原山去人境四十里好游山常獨
挈飯一甕窮探幽險無所不至夜則宿巖石之
下或累日乃返不畏虎豹蛇虺富丞相甚禮重
之常在府舍西軒有詩云昔年曾作瀟湘客焦
悴東秦歸未得西軒忽見好溪山如何尚有楚
鄉憶讀書誤人四十年有特醉把闌干拍司馬溫公

詩話

臨朐縣志卷之四

雜志

惟朐文獻不足舊志闕略至于今則併去其籍
夫於何考信焉凡有關於斯地者固不得以冥
陋闕如也作雜志第四

古蹟

邾城路史云齊遷莒邾郛郛邾本駢邑故城在臨朐

東南 齊乘

朱虛城記云臨朐東六十里孔融為黃巾賊敗魯保

此城蓋融保都昌與此相近齊乘今廟山社有遺跡土人疑為古朱虛城

東陽城亦曰九城左氏曰晏弱城齊乘今不知所在

拔音城武帝封城陽王子雲為侯

臨原城漢封淄川王子始昌為侯皆在臨朐縣東寰宇

記今不知所在

西安城東漢建西安縣故城在縣東南十里

穆陵關見山水

石鼓在逢山上從征記曰齊地亂則石鼓聲聞數十

里今不存

常將軍廟在穆陵關上齊記補云將軍秦昭宣帝時
為大峴戍主建元中戰歿後人立廟此山按通鑑
晉孝武太元九年謝玄乘秦亂遣兵攻青州降之
時符堅建元二十年也將軍蓋與玄戰死唐沈亞
之沂水雜記又云沂水北一百里有將軍峴甚靈
民置祠路左將軍嘗為五姓牧姓常名玄通因築
城失主將意斬之其屍數日不仆其臺曰立屍臺
此亞之說常將軍事跡齊記補不同而齊記補近
是今兩存之 齊乘

李靖讀書臺在縣南一百里相傳李靖徵時讀書于此又云靖從太宗征間左因于此閱司馬法焉今有書堂社然其事不可考矣

五龍堂在縣北十里龍山社

冷官祠臨朐南冷原水經注載之今俗云冷官大王而其扁曰大孝王不知其義邑人遲鳳翔有碑

封建

漢高后二年五月封齊悼惠王太子哀王之弟章為朱虛侯

武帝二年五月封菑川懿王子奴為臨朐夷侯

宋真宗咸平四年贈先賢公西與如為臨朐侯

國朝嘉靖年封

德王子為臨朐王

塚墓

沂山古塚在沂山之巔世傳周穆王葬宮嬪於此或
者因穆陵關而附會其說也或又云為三皇塚則
謬益甚矣意者古遯世之士隱居其上死而葬焉
然不可考矣

伯氏塚在縣西七里許

逢伯陵塚在逢山之巔相傳有石槨在焉

孫平墓在東城下東城隍廟後碑記云平為春秋齊尉不可考

衡恭王墓在逢山西三里許前案為三陽山

王田王墓在恭王墓西

坊表

儒林坊在石塔南

育才坊在儒學左

與賢坊在儒學右

狀元坊在鼓樓南為狀元馬愉立

進士坊在鼓樓北為進士遲鳳翔立

鳳奮雲漢坊在北關為進士張邦彥立

巍科坊在南門外為舉人井秩立

世美坊在南門外為舉人馮珍立今廢

文興坊在縣治北為舉人王琰立今廢

繡衣坊在治原為御史姚種立今廢

寺觀

萬壽寺在縣治西洪武十三年建

紫微觀在南門內元中統間建永樂中修

壽亭侯廟在縣治西南

崔府君廟在北門外

真武廟在北關

脩真宮在縣北十里元時建

玉泉寺在冶原龍灣北岸

觀音閣在龍灣南岸

大孝王廟在冶泉之右

相公廟在李召社道傍有斷碑臥荒草中文字殘缺

莫省相公為誰何矣

嘉祐寺在逢山廟西有宋熙寧五年仰天普濟和尚
傳法碑文字有唐碑辭氣篆額字勢飛動頗快人
目因歎胸邑賴有此一片石耳

龍泉寺在嵩山之巔

文殊寺在仰天山

洪濟寺在縣東十里

三教寺在縣東北二十里

報恩寺在縣東北三十里

金鐘寺在縣東北四十里

洪福寺在縣東南三十里

龍岩寺在縣東南三十五里

興教寺在縣東南七十五里

東觀音寺在縣東南七十五里

西觀音寺在縣東南三十里

香山寺在縣南六十里

白龍寺在縣南六十五里

彌陀寺在縣南一百里

寶峯寺 在縣西南三十里

寶積寺 在縣西南二十五里

靈峯寺 在縣西南五十里

演德寺 在縣西南六十里

五龍堂 在縣西南五十里

二郎廟 在縣西南八十里

李靖廟 在縣西南九十里

崇聖寺 在縣西三十里
長春觀 在縣東四十里
教諭王麟有碑

碑碣

御製東鎮沂山封號碑

御製臥碑

御製敬一箴碑

御製四箴解碑

御製心箴解碑

大觀聖作之碑

在已上俱
在文廟

戒石銘碑

至元復立縣事碑

至治重修公廨碑

國朝開設縣事碑

卜尹德政碑

姚尹去思碑

忠愛堂碑

鐘鼓樓碑

從吾堂記

縣令宅知縣王家士達

已上俱在縣治

明倫堂銘碑

大定重修縣學碑

至治重修廟學碑

至正重修文廟碑

中統重修縣學碑

至正買學田碑記

國朝知縣劉環買學田碑記

歷代聖賢贊碑

知縣王家士重修廟學碑

已上俱
在儒學

遺事

齊侯至自田晏子侍於遯臺飲酒樂公曰古而無死
其樂若何晏子對曰古而無死則古之樂也君何

得焉昔爽鳩氏始居此地季荊因之有逢伯陵因之蒲姑氏因之而後太公因之古者無死爽鳩氏之樂非君所願也

左傳昭公二十八年

逢山按路史逢伯陵姜姓炎帝後太姜所出始封于逢在開封逢澤後改封于齊猶稱逢公山因名焉

有逢公祠逢山石社石鼓于臨胸

齊乘

今逢山廟在逢山之北按漢地里志臨胸有逢山祠則其來久矣今豈因禮祭因國之在其地而無主後者之文而祭所謂逢伯陵乎每歲縣

官以三月二十三日詣其廟祭焉予以學官歲
歲陪祀云為祭逢山而所主實非逢山將為逢
伯陵又莫考其嘗國于此否也晏子遊臺之對
其指遠矣讀其殘碑云為東齊大夫亦莫知其
為誰何也大率其碑記祝辭像塑皆里俗為之
後來者因循而莫之是正噫有其舉之莫敢廢
也豈是之謂乎

靈山臨朐東北二十里晏子春秋云齊大旱景公曰
卜崇在高山廣澤寡人欲祀靈山可乎晏子曰靈

山以石為身草木為毛髮天久不雨髮將焦枯身
將焚獨不欲兩手祀之何益蓋此山也

齊乘

丸山臨胸東北三十里大紀云軒轅踐位天下有不
道者從而征之凡五十三征而奄有中區東至於
海登丸山及岱山宗竹書云堯放丹朱於丹水朱虛
縣有丹山一名丸山黃帝所禪又名堯山下帶長
阪曰破車峴東西二丹水出焉此山西接靈山東
連方山遙見穹崇近則卑小豈上古之時為瀕海
之山後漸去海遠耳俗名几山蓋丸字誤也

通志云在縣東北四十里名丹山西丹河白狼河
皆發源於此

胸有東城隍廟城隍之祀稽古無文至李唐始有之
國朝則命于

太祖載在祀典者也府州縣各一其廟而臨胸乃有
東西城隍之稱不知其始何時今以原所建設者
為西城隍於城東所廟祀者則曰東城隍焉蓋東
城下舊有墓相傳為春秋齊尉孫平戰死赤澗而
葬于此故民俗祀之於傳無所考向使有考而應

祀從其本號祀之可也誰得而城隍之其初但出于民俗之無稽嗣是而為之長者既不能有所釐正又親為之題扁以實其說惑亦甚矣予於禮樂君子不無望焉東鎮三岐古柏道士云其師相傳每

朝廷將有祭禱即此柏先有聲自本達于樹杪久乃寂然數日輒有中使至

祥異

漢桓帝永興二年六月東海胸山崩

宋神宗元豐三年五月青州臨胸石化為麩

元順帝至正二十三年六月臨朐縣龍山有星墮于

地

俱出
通志

敏按東海朐山在今海州城南五里秦始皇東
巡至朐山界即此因置朐縣後廢置不常

國朝省朐山縣入海州隸淮安府通志誤以為吾朐

也其曰東海亦自可辨又按齊乘萊州城北二

十餘里有臨朐城亦漢縣也顏監曰齊郡已有

臨朐而東萊又有此縣各以所近為名然則異

地而同名者固多有之要在紀事者考之審耳

詩文

遊仰天山記

金完顏沒里也

益都尹
兼都統

營丘之南百里仰天勝絕甲於東方聞名舊矣皇統
丙寅四月余被命來總帥諸郡首歆登覽然庶務鞅
掌有所未暇歲幾再周公庭無事思遂初約乃率宗
壻敦信校尉少尹副都總管蒲察阿里補數人相與
來遊越自臨朐歷五井而西捨車山行如在錦屏間
者二十餘里登高俯深野芳夾路觸目可佳北至招
提曳杖履披薰風蔭嘉樹禮觀音像謁豐濟祠探黑

龍淵息白雲洞聽水簾之潺湲望陂門之屹嶭凡足
跡可到者皆周行而歷覽之乃知塵埃之外自有佳
趣功名富貴有不與焉徘徊歎賞繼日忘歸屬以委
寄之重未快卜鄰之便將遂言還因誌諸石

脩城隍廟記

國朝馬愉贈禮部尚書

臨朐縣城隍廟乃

國朝洪武初命有司所建通天下之祀歲時厲祭請
禱于焉廟建六十餘年塑像未設以木主祀至于今
宣德辛亥吳川孫公昇來主縣簿適夏亢旱民方洶

洵公乃大戚偕僚長詣詣祠禱復即廟設壇齋沐仰
籲于天未幾一雨彌日達旦乃止農人告足喜氣交
動翊日刑牲絜盛拜謝廟下退而宴樂以相賀孫公
舉酒作而前曰神人之際幽明雖殊其理則一凡人
事之休咎實神攸攝也茲歲方屬旱人以為憂是乃
吾屬任咎之日而願得與宴享於此易戚為樂者固
雨之賜豈非神之既乎吾屬既受牧一邑惟一邑百
神是主一禮之廢一器之敝皆在所責况茲廟神像
尚缺苟因循不舉是豈有司事神之道哉吾今力而

完之其亦為政之一端耶衆應曰諾知縣南陽張公
鳳首倡諸僚各出俸餘為費吏胥耆老亦各以資助
始工於六月之初迄九月之望像成衣冠儼然丹彩
輝映又飭殿廡門壁規度咸新吉旦具儀賓從執事
踴躍升階環視瞻拜竦然興敬如神之接於耳目之
間歆降下其威靈焉者今年冬余歸省于家孫公徵
文以記於戲神之靈明非必俛像而後顯然孫公素
蘊之誠覩茲缺典渙發于衷不能已已遂興滯於六
七十載之餘廕美可嘉也諸以工力協贊者列於碑

之陰

胸山書院記

四明陸釗 提學副使

臨胸當青齊萬山中地僻而民朴俗麤獷難馴或曰
僻近陋朴近野獷近悍若之何化之陸子曰古道之
不復其諸性真之亡乎今天下士習華而飭也幾於
偽矣不患其失之僻而陋巧而競也幾於市矣不患
其失之朴而野頽而懦也幾於靡矣不患其失之麤
而獷是故僻陋者敦龐之化基焉朴野者醇篤之行
興焉麤獷者剛毅之守出焉斯天地之正氣而人之

成之豈繫乎其地哉嘉靖壬辰余視學山東按青州
集諸屬邑士試之則胸之士多少銳而頽異視諸邑
為獨盛余始異之曰孰謂胸無士哉孰謂胸無士哉
既乃進諸士子詢焉僉曰胸入

國朝來自馬澹軒學士以文章行誼鳴一時厥後寂
寥無聞黌校圯而不脩士風頽而不振至有數十年
不登薦書者我胸令褚君寶來興學起廢治先教化
又以儲材在學校而蒙養必先小學乃倣古社塾遺
意創書院于邑城中前為養正堂三楹後為景賢堂

五楹翼以書舍十六楹環以左右塾八楹於是選民間之秀彥立塾師以教之朝鍾暮鼓聚散惟時辨方書正句讀吟詩習禮考論名物器數居處慎其與長幼明其節勤惰示其懲勸令雖日事案牘不暇給稍間輒與諸生督課時校藝而進之右塾升之左塾升之堂升之堂者以需進于庠校於是邑之士咸觀感而嚮化余作而嘆曰褚君豈不誠賢令哉達教本矣越明年癸巳巡按御史循蒞方公按胸重為嘉獎遂扁其門曰胸山書院云嗟乎今書院之設遍山左然

未聞以小學為教者易之蒙曰山下出泉蒙君子以果行育德言導之漸也記曰禁于未發之謂豫言辨之微也導之漸則本立辨之微則幾審所以遏淫邪防逸欲而正聖功咸自茲始余故謂褚君之達教本也且夫天地之氣淳而未漓則積之必厚而發之也弘蓄而未洩則觸之必暢而出之也竒譬之荒江大澤之濱斥鹵不稼開闢而播種之種桂芄芄然生矣童山濯濯一旦培之水土樹之嘉木不數年可以棟明堂扶大廈人才之盛衰豈異是哉夫胸固山川之

聚也其秀靈清淑磅礴鬱積歷數十年而未有鍾于
人者尚翕然疑也今茲多士侵淫道化刻勵磨淬而
日趨于仁義禮樂者又勃然奮也得無所謂淳而未
漓蓄而未洩者乎諸士子勗哉毋負良有司之意幼
養而壯立以衍敦龐之化以樹篤實之行以存剛毅
之守胸之俊髦將彬彬然輩出發之弘而出之奇矣
諸士子勗哉

忠愛堂記

分寧祝文

教諭

臨朐古駢邑也距青州四十里許當車馬往來之衝

徵發緝輸馳檄之使道路相望地大物饒苟治之非
其人則輕於流移莫或制也是故吏重興作弊與歲
深癸卯秋賈侯奉

天子命來宰茲邑乃布誠申威振廢興利于是衆志
和附百廢具舉邑乃大治先是邑署惟治堂一所旁
列吏廨而已退而即所居治文書咨度政理吏側立
無所候嘆曰予受命以來惟務恪恭乃事顧以尋尺
之室而制百里之政况予宰茲邑三年民既乂安物
亦康阜室其可興乎于是捐俸鳩工度材伐石不以

勞民於縣署之北後為堂以為退息前為川堂以接
史胥庖廡館舍布列有序衛以衛欄植以花卉靚深
巖固咸中矩度規制軒豁與治堂稱侯退食於此端
居而志慮精仰思而政理成早作夜息無非盡心於
民者乃名其堂曰忠愛是役也始於丙午二月十二
日訖工於四月既望為屋若干楹侯名東山字道夫
號西溪蒲之世家嘗以禮經魁鄉薦其施之政也故
克著厥能云

從吾堂記

汝南王家士

知縣

不違不求之謂從從之者本也求之者物也孰不有
從士之從學從政皆其所當從者本也舍已從之非
本之謂矣孔子曰如不可求從吾所好不從物而從
己是求與從之辨也然人情亦莫不有好此又何以
辨哉竊聞之民受天地之中以生所謂命也夫中者
謂之命動而未中其謂之何蓋嘗仰而嘆曰至矣哉
此性命之旨也至無至動至近至神知能之良隨

所裁而自足吾心之本然也此其好豈有所為而為
哉堯舜孔子率此以盡君師之道從不足言矣故從
學從政必本諸性分舍是則動弗由中賊其性矣不
可不辨也士也顓象舊讀書淮康山中取松茅覆室
妄意古人進脩之學扁曰從吾晚承乏胸邑之四年
懵不知所以為政仰思聖訓懼從吾之未能也亦以
此名其燕居之堂有客過而問之曰君從政于茲矣
豈徒吾之從乎余曰士也不敏每藉是以破愚耳客
曰固哉聖人之言恐不若是之拘也夫從吾是矣果

盡無假于外以助于我乎請借此室與君之職喻之
室無棟宇其何以居居無服食其何以養士不受命
于朝其何以尊榮其身而行其志是數者皆不能無
假于外以助于我也君疇昔從吾而處也木石與居
麋鹿與遊無求于世可矣今君受一命之寄非獲上
何以治民君不見今之善從政者乎行乎上蜚聲
四馳夫然後有助于我以行其志矧從欲固害于義
若違衆豈君之利哉君其念之曰有是哉子之誤也有
見于此身之吾惜夫未見天下之真吾也知從欲之非

而未知似是非之非也夫性一而已才氣之稟不齊吾才之不逮而覬聞達與人同亦惑矣且職思其居不願其外者果何謂哉第隨吾可以知行者勉之外此吾力未之能雖異政不加碩于民似無損也雖或未之知惟蓋其在我者猶可以自安也如子之言其將厲民以便于已乎吾之不敏久矣不能從子之言也客俛而思曰用君之心行君之意鄙人誠不足以與此客辭去余遂援筆記其前後名室之義書之于壁以代座右之銘

重脩儒學記

華亭周思兼

工部員外

二十九年十月李子如膠東聘李子與周子相善也
既布幣請於周子曰臨朐孔氏之廟以歲時之不葺
棟宇崩墜無以陳筵几寡大夫謂是政之本也弗治
將毀不可以為民觀為營度之三年始成日廟之圯
也二三子咸有替志寡大夫弗忍以輿是役用集我
二三子二三子朝夕益奮不倦是寡大夫有大造於
朐也夫有廟而不脩何以崇化有功而不紀何以示
後吾子其志之以彰我寡大夫之功周子辭焉曰拜

命之辱不穀之願也雖然不穀於文詞無能為役敢告不敏李子曰雖然吾子必志之昔之人毀之寡大夫興之非夫人之力不至此若之何廢之吾子圖之周子反幣拜命曰不穀無能為役敢反幣抑王子胸之良大夫也是舉也脩墜典而崇文德也不穀雖不敏敢不惟命是聽初戊申之歲王子至自光山春王二月初有事於孔氏之廟鳩材木平板幹具噐用度時日既定以授匠氏脩廟及左右廡刻其栴而礪之脩明倫堂櫺星門啓聖鄉賢名宦祠易朽蠹恢制度

視昔加壯初作講堂舊無講堂也初作饌堂作宰牲
房備賓祭也初作庫房司出入作社學訓民之子弟
可為士者先舊者後新者以次舉禮也於是臨胸多
盜依治為亂臨胸人討之弗克或謂王子曰盜之弗
輯子之咎也子盍詰盜王子曰不可詰也政德不脩
於是有盜已則無政而以討人何以能克夫政莫先
於教教之不明民不知義惟利之競盜所由生也吾
文教是務於是不給而又暇詰盜故王子於是役也
甚力君子謂王子能為政政不務猛而務文教詩曰

爾之教矣民胥倣矣刑善故也王子教行而民聽之
民刑于善何患于盜盜將弭矣及成盜止

脩崔府君廟記

如臯嚴怡 訓導

胸邑之北門迤東廟有祀崔府君者余嘗從縣官禱
祠其中見廡下二碑述府君大略不言其何所據題
有未樂弘治重脩歲月亦不及建自何時且草率無
闕涉竟讀悶然增慨欲為改之即舊碑府君為隋
唐間人稽之二代之史則無其列傳廟有住持道士
黃淮明比復一新廟貌適欲得作者為之記乃購求

書記一編謁余按記府君於唐貞觀間歷長子滏陽
衛三縣令有按獵兔斃天蛇攝猛虎等事疑于荒誕
然古之良吏以其神明之政能使鬼破膽虎渡河獸
出境者嘗有之矣至述其臨命一節要非常理然陰
陽之變糾錯相紛宜何所不有也乃若于唐宋諸君
所為示夢兆乎感通神接引者尤為恠竒信如記所
稱述是其生有明德宜其民尸祝而俎豆之死為神
明宜其君褒崇章顯俾之廟食末世舉非無謂矣獨
胸之有廟則不可考尋其何所因也怡因歎道之不

明也愚夫愚婦惑于禱福之說相率而求之渺茫冥
昧之間祭非其鬼者多矣庸詎知夫其不為善而徼
福辟則舍耕植而求穫彼為不善而苟求免于禍殃
辟則多食鉤吻烏喙以斲不死也亦惡可得哉府君
既稱神所謂聰明正直而一者也豈能副愚夫婦奔
走之意哉况于愚之下者又于府君像塑左右為二
女以夾之則雜揉瀆亂愈益非府君意矣府君有靈
其不能一朝而安于胸也審矣怡為之記以俟夫通
幽明習典禮者擇焉廟地舊東西闊二十一尺南北

長六十七尺黃惟明增買廟左李民地東西闊六尺
南北長六丈七尺

臨朐縣遷赤澗鋪記

嚴怡

出邑之北郭門二十里曰赤澗舊有鋪瀕益都地界
是於二縣得道堽之中使節之往來或不勝車馬風
雨泥淖之苦暫為止息其處緣去居民稍遠又夏秋
霖潦水泉湧隔於時供億跋涉者病馬欲遷之久矣
以未有所稟受常因循未果比淮川王明府來為胸
察知其便聽遷于澗之南舊官有隙地在道西又增

買民地尋丈總之計闊四十有四尺其長八十有六尺四周甃石為繚垣前中為重門最後為室三間室之東西各為稍小三間雖深廣不足度幾容冠蓋避燥濕少選間耳其材則撒諸舊鋪稍易其挽腐者石塊土坯則取諸其地工則其夾澗而居者自樂于趨事斯就緒易也既落成其管工老人陳詵蔣悌未請記余惟周官遺人之掌凡國野之道有廬有宿有路室有候館有飲食委積所為待賓客羈旅者無弗備也及讀左氏若國語如子產所論于晉單襄公所論

于陳者則春秋諸侯大抵于王制多闕失矣後漢薛
宣子惠為彭城令宣至其縣見橋梁郵亭不修因知
其子之不能諸葛武侯治蜀則所至井竈園溷藩籬
障塞皆應繩墨以是數端知先王之制網維既舉而
節目靡遺古之善為政者欲成其大必盡力於其細
欲成其全惟恐其一之或有虧也然則赤澗鋪之遷
善觀政者亦足徵明府之一節矣是役也少府張君
元縣尉王君整咸與有力焉後來嗣是者有考于斯
庶幾修葺之俾不壞明府名家士汝寧之光山人也

重刻諭俗恒言序

王家士

涇野先生魁甲科時先考為同榜進士家士以通家
子弱冠嘗獲見于京師竊慕其為人名第不與也晚
筮仕臨胸懵不知所以為政張樂竹先生督稅至胸
手授是編士讀之則凡心之所欲行而未能者是編
皆言之矣遂命工重刻布之于胸期與胸之人士共
勉之序曰上行下效謂之風衆心安定謂之俗俗之媿
惡風有以起之也赤子之啼其聲一者未囿于五方
之習也及其長而言語不通飲食不同有至死莫能

相一者則囿于所習之異耳蓬生麻中不扶而直習俗移人雖賢者不免習之不可不慎也乃其機則本于上矣是故盂水方圓之論大袖匹帛之謠上行下效之速也故諭之以言不若諭之以身之為愈也然則言可已乎易曰天風姤后以施命誥四方言之不可以已也言幾乎身見乎遠風之謂也謂風之自本于上者鮮矣是故君子慎之夫人莫不有良心本然之善猶之赤子之聲未囿于五方之習也恒言本諸百姓日用之常其文本周禮其言雖簡質而不俚

其事理則皆夫人良心散殊之所在是亦赤子之聲
善俗之所同也以是諭民導之以知能之良民俗其
廢幾乎曰諭俗恒言者謙不敢自居也要諸至理雖
推之以諭天下可也豈惟胸民雖然崇雅黜浮而樹
之風聲宅危麗散以躋于安養斯固良有司者之所
優也顧子寡昧奚足以與此乃若士有淑脩民俗變
而日趨于厚以不犯於有司則深有望于胸矣

早魃解

前人

胸民榆林社鄭安者其婦產一男方離母即不育鄉

民駭其首異莫不聚觀曰此旱魃也肩相與沃其所
生不然旱之毒民寧有已乎於是亟走報縣遣人圖
其形視之四肢皆如常兒獨其首殊異頂窪而不隆
兩旁肉角反聳起上一孔約深入寸許目豎耳高黃
髮數莖出額上口甚小不能容乳食第頂上踵下居
然人類也遂諭之曰此人形之不備而稍異者奚旱
之能為愚民猶惑之於是召使前曰若知夫大造之
生物乎陰陽為炭覆載為爐無以異陶者之造器也
和之以水土制之以模範鑿竈竈薪煠火力透而器成

無弗同者迨其出也形色頓殊純然而光闇然而駁
端者歆者幻而竒者變于常色而彩者苦窳而弗可
用者斯亦異矣雖然將以箝于天下曰是非陶器人
必唾之矣故曰物之不齊物之情也大造何心哉亦
若是而已矣故草不同也其天然則同木不同也其
喬然則同鳥獸不同也其飛走則同人之頭目口鼻
四肢小大妍醜不同也然未嘗踵上而頂下其人之
形則同今鄭婦所產自頂至踵人也安得以其首之
少異而遂以怪視之耶記曰雷將發聲有不戒其容

止者生子不備鄭之所產其殆是之類也以為蘊隆之氣鍾為異物不亦惑乎且汝知旱之所由手和氣致祥古之人中和位育故至治之馨感于神明雖有水旱不為災道失民散哀慙慙苦傷天地之和召水旱之災如東海孝婦之寃三年不雨此災之所由起也今之旱焉知非吾輩之所致乎夫異于首汝怪之間有人面而異于心者汝獨不怪之何耶為臣不忠為子不孝悖倫傷化絕滅人理不啻踵上頂下形之不備已也形一不備不害其為人民彘淪喪乃不以

為怪汝之目見小體而不能見大體其亦可怪矣無
是非之心非人也汝其無是非之心歟或曰氣數不
可易旱澇常相因自冬徂春積雪甚矣夫雪即澇也
澇于冬春其能免今之旱乎未可盡歸之人也嗟夫
氣數之說匪經之訓修德弭災古之人皆然何獨至
于今疑之吾知盡吾職違計其他因述解旱魃之說
以示民焉

臨朐舊令褚公生祠德政記
邑人羣鳳翔中郎
嘉靖庚寅我褚公受

上命治胸迨三年而政成邑人歸心焉未幾以治最
徵授秋官郎去後常見思今且十載餘矣而思日
甚故為之立生祠夫祠所以惠德也且以永思事也
祠有碑紀元洲張子才甫氏已為之六要誦召南之
風以美公夫南國之政召公之遺德也其棠之思南
土之雅俗也孰謂古今人不相及哉然非我公寔不
足與於此大抵張子之論匪佞矣前此四明陸少石
公之紀書院曰褚君豈不誠賢令哉達教本矣壽光
趙公之紀去思曰侯不沮於勢不移於習三四年間

政皆井井犁然真與古循良班益都黃海亭公撫古
駢鳴教用而嘆曰侯惟弗逐時尚弗要吏譽弗以
古雅為迂安丘黃海堃公之為考績序亦曰漢人所
謂文吏褚侯是已此頌聲所以作也噫讀諸公之文
章則我公之德政具備矣又焉用文之雖然余與才
甫同為公門下士義固不容獨默也適公之生祠成
余以叨與春榜留京師觀政事思德之餘每欲鳴公
之盛而未能也迺鄉耆閭鎔輩不遠千里持公去思
集錄未示余曰夫政有大綱綱者目之會也有衆目

目者網之分也網目悉備公之政廣矣大矣諸公之作識網也子盍識網之目乎余聞古今之紀載寔繁矣凡往者之錄將為來者之勸也使後日誠有取而用之者則公福我胸民將與祠而俱存而邑人之德我公亦將與紀而無已矣是可以弗識乎今覽其目有曰懇荒田者撫流移也種桑棗者重樹畜也正田畝平差徭者均賦役也是有以力本政矣曰停舊稅蠲協助者蘇民困也改重賦處里甲者節民力也減遞馬革丁夫者去冗費也處遠軍寢牧養者圖永惠

也豐倉廩救水旱者備荒政也恤孤老業流民者哀
窮獨也是有以濟時艱矣曰脩學宮者右文也勸諱
學者崇化也創書院者育才也興社塾者養蒙也是
有以植教本矣曰遵

聖謨者申法也慎鄉飲者養老也增祠名宦鄉賢者
彰善也復遺碑禮貞婦者表德也嚴保甲申鄉約者
示禁也開旌善復申明者昭勸也是有以備教法矣
曰毀滂祠汰佛老者闢邪也禁師巫嚴鼓樂者正風
也興廢祠脩壇壝者事神也祈雨澤祀蝗蝻者禦災

也固城池建樓觀者備規也嚴礦洞架河梁者除害也又何莫而非別治之蠹飭治之務使纖悉燦然備具者乎是故民安其惠利而習熟其教化利其生全而自得其性真故公在而民親焉公去而民思焉思之又欲祠祠之又欲紀孰謂齊俗無良民哉是可以觀政事矣嗚呼胸青屬也古爽鳩氏之故都寔是在焉周太公嘗治此矣尊賢而尚功今不可謂無遺化也今之民非三代之民歟殷諸侯逢伯陵嘗祠于胸之逢山麓矣迄今不知幾千載也其赫赫忠孝今猶在

人之耳不可沒也春秋管敬仲亦封此矣雖富強之外無善化然其利澤及人者夫子蓋亟稱之特進之於王道未純耳孫平氏為胸尉與齊侯難於赤澗而完節著民到于今祠之嗣是漢唐以降鮮聞矣豈有之而紀載失傳歟抑循良之不可數得歟至金吳公德彰氏以飛蝗不入顯元陳公仲祥氏以流民全活顯狄公子英氏以賑饑有方顯固皆以表表之行卓卓之守屹然為一代良吏也今皆祠之載在祀典可徵矣至我公復表我

皇明之張公璉蔣公瓊氏者採其故實而聞之當道
咸得與金元三公竝祠焉其善善之公心乎憲胸令
之得祠者古今足稽也公其若是班乎夫伯陵之忠
孝尚矣孫平之節義亦偉矣若敬仲非王者之佐餘
數公亦皆以二三善著名孰若我公之德之政有以
兼衆美而超越之者乎君子曰郡邑者政事之地也
守令者吏民之本也郡得一守焉一郡之三代可幾
矣邑得一令焉一邑之三代可期矣由守令而達鄉
相天下之三代也其易易乎我公尚進於是哉噫是

記也非獨美公也實以彰

聖朝域樸得人之盛而深幸後之為邑者有成法焉
誠使考公之政而曰某政之廢也吾脩之某政之墜
也吾舉之何者推之人情而合則亦何憚於變通何
者即之土俗而宜則亦奚嫌於沿襲庶茲紀為不贅
也已否則耻于取人而自用厭于泥舊而喜新則我
公得以專美于時而胸人之思之祠之紀者亦自我
公而止矣噫是非我公意也抑亦非記者意也於是
作德政記公家世詳見元洲去思紀今不復贅云

臨朐舊令褚公生祠去思碑記 邑人張邦彥員外

嘗讀詩至召南之風有曰蔽芾甘棠勿剪勿伐召伯所蒞說者曰美召伯也召伯之教明於南國國人思之故作詩云云然意是時距召伯宣政之日後矣而南土之人乃永思弗諼且軫及其物焉非深愛之淪濡髓骨有是乎夫自三才之道立也稽稱善長民者固靡不上德惇化子覆元元其曰仁厚立國則姬代其維表表爾乎其太穰元氣流行覆載間者于今尚可想見厥時賦政諸臣睇眎海內匹夫匹婦奚啻骨

肉父子哉其崇之愛殆非徒焉爾矣我臨胸舊令鳳
臺褚公方嘉靖庚寅奉

命來邑矢志單心務期仰副

國家建官保民至意乃維力振墜弛而尤以禮教學
人之事是崇是務用是黔庶向化俗尚用敦井閭都
遂煦煦愉愉喁喁如也無何以

召授穉官郎去肆距今幾十載餘矣而邑之士紳之
民企而思之者日加甚焉若曰其德其教其曷忍忘
其敦本知務為難繼也其所修置或有蕪敝則咸益

感旣追念如弗克見然故前此士人或鮮薦尚學維
今則旣彬彬盛矣則曰美哉衆髦其梳之移乎向匪
我公其孰基之見學宮齋宇有廢圯者則曰作之其
尚易哉厚哉公之遺也比于昔初不啻倍蓰矣見童
子之執藝鄉校者則曰吾聞先大夫陸少石公嘗以
公為達教本也其弗以是乎胸之才泱泱乎殆未可
量已有酷于有司者則曰逮公為政其無忍相加乎
困貪漁之擾者則曰安得為邑如公者乎其惟烝烝
艾安吏治矣如是者弗可殫列於是耆民間錄輩乃

相與裁曰吾聞遐慕者執遺迹濡潤者窮
委嗟哉我公古之遺愛也其致吾民之企慕乃弗與
歲月俱磨矣顧安所考其成乎茲維鏤石以張之肖
像以祠之庶校輿心矣且俾後此者獲未厥聞哉則
誦之邑薦紳先生僉曰夫人愛則思者情也美則傳
者法也協則起者義也永其存以考成者禮也二三
子之言無亦於是數者是徵乎則告之邑大夫邑大
夫曰先民之訓有之曰君子務在擇人予固樂聞舊
令者之善否其善者吾則行之其不善者吾則改之

汝衆亦誌審厥從違罔悖于是吾將因以勸懲焉則
茲役也所以直道而善善者且使績厥緒者永觀不
沒矣可容後乎可容後乎於是咸屬余書其事于石
以識余邑人素稔公之心跡而被教愛且目擊胸人
之德公迺敢展言曰嗟乎我公之德之垂也其聞召
伯之風而起者乎而吾民之追思之又可無異江沱
汝漢之在當世矣夫自三代以還以化治稱者未易
得也劉漢最爲近古然前後四百年間循良之吏自河
南守吳公蜀守文翁之外獨黃召龔魯輩數子爲能

謹身率先居以廉乎史稱其廩廩庶幾德讓君子之
風故所在民富所去見思云外此則察乎未之聞
焉下及唐宋亦匪無可表然比之漢益又弗逮矣而
武捷嚴酷苛如猛虎侵欲崇侈不可盈厭者則著列
寔繁然則體父母斯民之道以來勿翦翦勿伐之思有
如公等之為令豈不足以明章我
聖朝棫樸得人之盛有以軼前代而超出之哉公中
都人名寶字光楚鳳臺其號登巳丑進士第余昔為
諸生時得侍教下每晉與談經則見亶亶多理性根

要之論若有以探閩洛淵源而上接洙泗正脉者其
發為化理而灌浹人心也其固然與其固然與是舉
也新任胸侯蒲坂賈君蒞政之始即胸士紳父老之
請欣然嘉歎而贊成之其有志浚明召南之教而敷
賁之者乎

臨胸縣官題名記

海楚黃禎 文選郎中

臨胸故無題名臨胸題名自光山王子始王子

曰官管也無攷名則無攷年無攷年則無攷事無年
與事是無縣也官也何觀乎惟是王子始蒐述架閣

起唐李道賓迄今嘉靖三十有一年計尹得五十三人佐貳得七十四人尉得三十三人爰勒之石若曰之人也行也政也在志流風在邑一切喑喑在人心故茲不特錄焉君子曰題名曷義哉將鑿渾沌以昭氏乎抑將寄敬畏于石乎將立無言之教於琴琴以示觀乎悲哉古今人物之化儻其無窮也往者吾不前來者吾不及夫名字者陳迹也大道旁礴吾人寄旁礴於天地茫乎若大江之一壺何所寄託而所可寄託者在人心一寸之靈惟夫一寸之靈不昧而後

敬畏之心常生斯道也千載一日也信斯言也斯役也獨不可以寄至道於無言之石昭姓氏於無窮以示觀乎哉今譬之博者人一馬也我以大觀之則天地亦一馬也孰能玄而孰能黃耶孔子曰我之與人也誰毀誰譽人之生也不同氣故不同質不同質故不同行不同行故不同政然以道觀之則同也以心觀之則亦同也古今無兩心天地無二道然則王子之石其將以心觀萬世乎夫我之觀人也猶人之觀我也苟敬畏起於一觀則一切可觀矣苟敬

畏滅於一觀則一切不足觀矣故觀不足觀在我而不在人不然則斯石也塊然已矣硜然已矣名之題何益於天地間哉吾聞邑有宰自秦人未置郡縣始也若子游之武城子賤巫馬期之單父閔子騫之費各垂聲千載道載厥衷固弗賴於一觀而無往不觀故無不足觀也夫道通於一者也通道於一而牛刀而琴而星而汶上與今之石皆可一也苟不通則道斯裂矣又曷觀是故君子要諸心焉臨胸古伯氏駢邑自郟而西則故漢氏朱虛春秋邾郟郟三邑之一

劉章之故封也晉酈子名其山為小泰山蓋今境內
之東鎮沂山代多名賢即如勝國之尹猶有狄子子
英陳子仲祥者亦足觀不識今記如二子者得幾人
乎王子忠信而寡慾治民不擾直而樂廣而儉守道
日固于觀久矣故不得辭其樸樵而代石為斯迂濶
之談以俟後之有道君子云

臨丹賦

晉應貞

陟綿岡之迢邈臨窈谷之濬遐覽丹源之冽泉眷懸
流之清波漱玄瀨而漾沚順黃崖而蕩博激重巖之

絕根拂崇丘之飛嶸然後陰渠洞出陽澮旁開倏熠
高驚皓曜長懷盤溢鬱沒雲轉飈迴屏側為之飛隕
壁岸為之陂隕列以青林蔭以綠枝檉松蒼茸於其
側揚柳婀娜乎其下則高溜承崖懸泉屬嶺別流分
注水瑩玉靜清波引鏡形無遁影

沂山瀑布泉

太原喬宇

吏部尚書

東鎮廟之西緣麓而上路皆蒙翳峻絕十五里曰
百丈崖有泉自山巔而下映若晴虹灑若飛雨為
江北瀑布之冠歷漢唐宋來士大夫到者寥寥未

聞以是茲泉不得紀載籍入題詠良可惜也正德
庚午夏六月宇戶部侍郎奉

命禱雨于沂山祀禮既竣乃周訪遐歷得見所未見
因嘆天地間竒踪勝蹟不為世所知者豈止此哉
湧賦長句聊以補郡志之闕云爾

匡廬瀑布天下知沂山隱在齊東隱丹崖斗絕三百
丈蜿蜒如白龍身倒垂層巒曲澗何透迤松蘿蔭濕苔
蘚滋古今遊人到絕少誰復表白山川竒我來嶽鎮
舉祀事歷覽形勝將無遺穆陵西北屹東鎮三泉湧

出山兩頤下為巨浸分入海萬古元氣常淋漓踏遍
巔坑坐大石飛雨匯作青連漪人間瓊液豈浪語天
上銀河真在茲山深六月少炎暑水晶影動簾櫳移
平生溪山頗登涉如此名泉初見之徘徊盡日不忍
去似覺巖壑生春姿欲歸把酒更相祝造化何物非
神司只今海內望霖雨慎勿水底藏蛟螭

又

廬陵陳鳳梧

副都御史

百丈崖高鎖翠烟半空香下玉龍涎天晴六月長飛
雨風靜三更自奏絃蒼水珮縣雲片片珠簾洞織月

娟娟晚山倒著肩輿下迴首斜陽景更妍

又

金陵陳沂布政司叅政

看泉倚杖躡峻嶒暫息疲勞輿未能絕壁雨聲飛急
溜空山寒氣結層冰崖懸碧石傷神立梯覆青莎側
足登巖下坐未還枕籍酒醒孤思欲飛騰

夜至東鎮廟聞瀑布泉相去十里許遊覽未能

歌以寄興

四明屠大山布政司叅政

山神愛竒天帝憐倒捲海水懸山巔海神欲爭不敢
言怒觸山頂通黝淵白龍騰攫掛紫烟擬挽銀河瀉

九天力微路迥絕
竇綠迸落萬丈鳴
濺濺化為空青
碧玉鞭飛聲兩道
雲光鮮山神更聒
妨晏眠徒置十
里蒼崖有坐令
峯巒偉麗捐頗費
探討添煩寃我未
聞此心冷然昏黑
未許窮攀援洞宮
恍惚珠幕褰雪
肌水骨爭清妍誰
能移置大道邊
報爾萬鎰黃金錢

初夏同倪晴竹遊沂山

內江楊一瑞知州

平生適興在登臨
新到沂山豁素襟
老栢蒼蒼看世
換穹碑鬱鬱任苔
侵鋪茵草色逢初
夏瀑布泉聲落
遶岑我欲再遊君
更約清吟有鳥也
知音

九月廿一日同李壁軒夏草堂潘東匯詣

東鎮祀神竊念時事感而賦此

汝南王家士

東沂名鎮洞天魏晴日聯鑣歷翠微仄徑俯臨幽澗
度懸泉高並白雲飛祠前愧睹增癡影塞上愁聞敵
鐵衣回首不堪登馳思流移秋暮幾時歸

遊仰天山

陳珪

青州府推官

雲卧羅浮八百秋荷衣掛在海東頭夢同憶得重來
取又跨飛鯨此洞遊

羅漢洞

四明陸軾提學副使

險絕陂門路悠然雲洞深潭空散餘漚樹古接層陰
白鹿煙霞侶丹砂歲月心鳴絃坐秋石細和水龍吟
又嚴怡

暇日相招煩茂宰况多佳客共齊攀有山如此足不
到浮世幾時身始閑一笑舊題留薛壁三杯狂思滿
雲関悠悠何苦戀疲馬盡日驅馳塵土間

嘉興夏雲鵬

訓導

誰將神斧削芙蓉削出千峯與萬峯雲影斷時天外

落水聲鳴處石邊春東風有約春先去幽徑無媒草
自封登眺不隨仙侶到百年良會信難逢。

登胸山

邑人張邦彥 戶部員外郎

山人載酒絃相過道士開門翦薜蘿逕遶乍逢麋鹿
伴林深時聽野人歌翩翩雲葉生芒屨皎皎嵐光照
芰荷山靜尚餘淳古在便當解帶卧前阿

冒雨出駢城渡瀘河即事口占

王家士

郊迎先出郭風雨候前麾冠蓋黃流濺江山白霧移
投林鴉翅急逆浪馬蹄遲莫訝衣渾濕塵緇更可悲